

續十八史略讀本

宮脇通赫編次

三

リ 8

1469

3



伊門
號 1468
卷 3

伊門
號 1468
卷 3

續十八史畧卷之三

伊豫 宮脇通赫 編次

明下

憲宗純皇帝名見深。英宗長子。母周氏也。○二月。都指揮
 門達有罪。下獄。謫戍廣西。卒。死。謫所。召袁彬復舊職。○乙
 酉。成化元年。正月。赦故少保于謙子冕。戍回籍。冕訟父冤。
 帝追復謙官。遣使往祭其墓。遂復其世襲千戶。○丙戌。二
 年。二月。起復太學士李賢。賢固辭不許。賢以父喪去位。詔
 奪情起復。賢固乞終制。不許。命入閣視事。脩撰羅倫上疏。
 劾賢。謂宋仁宗起復富弼。孝宗起復劉珙。二人皆不從網

命內侍林瑄送賢歸葬。五月。賢復京。命入閣視事。

續十八史畧卷之三

常倫理所關甚大。上惡倫狂妄，謫福建副提舉。編脩尹直

引文彥博待唐介故事。請賢留倫賢曰：潞公市恩歸怨朝

廷吾則不敢。奪情公羊博重奪孝子之情，山濤居母喪，負

起復胡三省曰：起復者起之於苦塊之中，使復其位也。文

彥博待唐介故事。宋仁宗朝，待御史唐介劾文彥博，帝怒

貶介為英州別駕。後御史吳中復請召還唐介，彥博言於

帝，請如中復奏，乃召介知諫院。時稱彥博長者。潞公文彥

博封潞國公。○襄陽流民劉千斤反，聚眾至四萬餘人，僭號於

南漳。四出劫掠，命撫寧伯朱永尚書白圭督兵討平之。

十二月，少保吏部尚書大學士李賢卒。○戊子，四年，萬貴

妃有寵，兄弟皆官。朝士群趨其門。學士萬安認為同宗，附

之。萬遂入內閣預機務。萬性外寬而深中，無學術，惟日事

請託，結宦官為內援。朝臣無問賢不肖，惟有內援者，則揚

用之。請託，請二請也，託倚託也。○庚寅，六年，七月，皇子祐

橿生，即孝宗母紀氏時，萬貴妃專寵而妬，後宮有娠者皆

隨之。知紀氏娠，甚令婢鈎治之。婢謬報曰：病瘡，乃謫居

安樂堂。久之，皇子生，使門監張敏溺焉。敏驚曰：上未有子，

奈何棄之！使女侍以粉餌哺之。廢后吳氏保抱，惟謹。不使

貴妃知之。○壬辰，八年，七月，隴州大風雨，雹有大如牛，

者長七八尺。六日，方消。隴州北山吼三日，裂成溝。電音薄

○帝時好寶玩，有言宣德間嘗遣王三保出使西洋，所獲

奇珍異貨無算。上乃命查三保至西洋水程，舊案藏在兵

劉千斤名通，正統中與妖僧九天華謀亂，天順末有石和尚名龍，糾眾四散劫掠，同舉事於大水廠，聚眾至四千人，李賢贈太師，謚文達。

劉千斤反

瘡者不痛

哺音步，飼也。電音薄，雨水也。穀梁傳：註，陽也。陽也，侵君之家。吼三日，裂成溝，長半里。

電大如牛，山吼三日，吼者牛鳴聲也。

續一八身身言不卷之三

部車駕司郎中劉大夏先往檢得之秘置他處兵部尚書
項忠入庫檢之不得會言官交章諫其事遂寢後忠呼吏
詰之曰庫中案卷焉得失去大夏在旁微笑曰三保如西
洋費錢糧數十萬軍民死者亦萬計此一時弊事舊案雖
在亦當毀之以拔其根尚何追究其有無哉忠聳然降位
揖而謝之曰公陰德不細此位不久當屬公矣後大夏果
至兵部尚書○十一月帝命大學士彭時編纂宋元綱目
○乙未十一年十一月立皇子祐檉為皇太子母紀氏暴
卒人謂萬貴妃鳩之○丙申十二年七月黑青見有物金
睛修尾狀如犬狸負黑氣夜入民家至則人昏迷遍城驚

紀荒之色皆赤人疑
為萬妃所鴆
鴆音鴆去聲亦作配
酒有鴆毒也鴆毒以
其毛瀝酒飲之則殺人

黑青見

置西廠

擾黑青前漢五行志視不明聽不聰之罰也宋政和間大
作出若列屋摧倒之聲其形丈餘彷彿如電金睛行動
磴磴有聲黑氣蒙之不太了了氣之
所及乃腥血四灑金睛目珠子也○丁酉十三年正月
置西廠命太監汪直訶刺外事始設東廠主刺奸至是名
西廠以別東廠也分命諸校廣刺督責大政小事方言巷
語悉採以聞而直恣肆莫制羅織人罪數起大獄臣民皆
自危大學士高輅上疏罷廠未幾御史戴縉王越奏復之
兵部尚書項忠倡九卿劾汪直橫恣直啣之構忠下獄
為民於是兩京大臣免者數十人士大夫俛首事直矣刺訶
詞音見去聲伺也刺音戚探
也偵伺也廠音尚屋無壁也○戊戌十四年二月命皇太
子出閣講學時東宮內官覃吉溫雅誠篤通經史議論

起大獄任用錦衣百
韋瑱能肆貪暴臣民
悚然

東宮內官
覃吉

續通志卷之三

先生契茶

方正太子出講講畢則語講官云先生契茶左右不以為然吉曰尊師禮當如此帝嘗賜太子五莊吉曰天下山河皆其所有何以莊為乃止吉輔太子悉道以正口授四書章句及古今政典天下民情農桑軍務以至宦者專權蠹國情弊悉直言之曰吾老矣安望富貴但得天下有賢主足矣○庚子十六年七月下巡撫陝西右副都御史秦紘獄既而釋之時秦府旗校肆橫民苦之紘擒治不少貸秦王奏紘欺滅親藩帝怒逮紘下獄命籍其家止得黃絹一匹敝衣數件帝親閱嘉歎良久詔釋紘繫且賜鈔萬錠以旌其廉調紘巡撫河南汪直以事至紘與抗禮不為屈直

黃絹敝衣

太子嘗呼吉為契伴一日太子命吉與某同詣至殿曰伴來矣即以其目視吉吉曰主得無念廷者否讀孝經耳其見報如此

阿丑譎諫

以上知其廣亦加敬焉直有不敬者輒構陷致罪當時中外諸臣無不屈身相接○癸卯十九年六月調汪直南京御馬監時直橫暴中外結舌內使阿丑善詭諧一日於帝前作酗酒狀令一人佯曰駕至醜狀如故復曰汪太監來乃驚起訖然一人又佯曰何駕至不懼而懼汪太監也曰吾止知有汪太監耳帝悟自是直寵漸衰至是有此命又丑作儒生吟曰六千兵散楚歌聲傍一人曰乃八千丑曰彼二千在保國公家時保國公朱永治兵私第帝乃命削其兵丑頗有譎諫風皆類此

又一日忽發直衣冠持雙斧趨殿而行或問故何曰吾將衣冠仗此兩鐵耳問何名曰王趙陳也上微哂自是而直寵衰矣

敗入壁圍之數重羽夜聞漢軍四面皆楚歌八千羽○韃

詭諧詭譎也諧和韻之言音虛去聲醉怒也楚歌羽

發內庫銀數十萬兩，
西華門外，折毀民屋，
建永昌寺，大臣諫官皆不
言。林俊上疏言，今歲
以來，災異屢見，帝師也，
陵後，動輒成，三股，
為甚。陝西、山西、河南、
遼東，民流離，可憐。帝
雖聞，然不為之。內庫
銀，建永昌寺，以有用之財，
供無益之費，不無其人。
日，王福未可也。然，
梁芳也。芳，頃，
奸邪，排，
假進，
百餘年之府，
背山，
風，
莫不，
而不，
官，
死不，
上，
駐，
二十，
商，
卿，
三，

續十八卷

馬寅三可
惜

韜小王子率兵寇大同殺掠人畜數萬總兵許寧禦之敗績○甲辰二十年發內帑金數十萬建佛寺尊僧繼曉為善世賞賜無算刑部員外郎林俊上疏諫之下獄會木星墮下如蛇聲如雷帝大懼乃復俊秩○乙巳二十一年正月工部主事張吉等上疏斥李孜省僧繼曉等罪惡帝怒謫之○丙午二十二年三月兵部尚書王恕以直諫貶工部主事王純救之下純獄○以馬寅為山東布政使寅嘗語坐客曰君子有三惜此生不學一可惜此日閒過二可惜此身一敗三可惜客歎為名言○內閣臣萬安劉吉彭華尹直並加少保四人偕姦邪小人輔朝政識者嘆之○

寅在朝三十三年
為副使六年未嘗
以意抑降志

丁未二十三年二月以李孜省為禮部右侍郎孜省江西人初以符水得幸至是益作威福縉紳進退多出其口縉紳也紳大帶也謂百官也○八月帝崩在位二十三年改元者一曰成化壽四十歲皇太子即位是為孝宗敬皇帝

孝宗敬皇帝名祐樞憲宗第三子母紀氏也○李孜省伏誅僧繼曉發原籍為民太常卿道士趙玉芝謫戍邊番僧領占竹等悉革職佞豎梁芳陳喜等孝陵司香先朝妖佞之臣放斥殆盡○帝念皇后保抱之恩命宮中進膳如太后禮○大學士萬安罷先是安結萬貴妃兄弟進妖僧繼曉以固其寵與李孜省結納表裏奸弊帝在東宮稔聞其

續十八卷

五

先是濬以真西山大學士
行著實治道而治國早
天下事缺其乃未幾
子少曾開治國天下者
類濬是也濬以也濬
行著實治道而治國早
天下事缺其乃未幾
子少曾開治國天下者
類濬是也濬以也濬
行著實治道而治國早
天下事缺其乃未幾
子少曾開治國天下者
類濬是也濬以也濬

續一八

帝呼先生

惡至是於內中得一篋皆房中術也悉署曰臣安進帝遣
人持至閣下曰是大臣所為乎安慚汗不能出一語遂命
罷去安在道猶夜望三台星冀復進用尋卒○禮部右侍
郎丘濬進所著大學衍義補擢禮部尚書○戊申弘治元
年二月帝耕籍田畢宴群臣教坊以雜伎進御史馬文升
厲色曰新天子當知稼穡艱難豈宜以此瀆亂宸聰即斥
去○起用主事張吉中書舍人丁璣進士敖毓李文祥等
並先朝以言事逮謫南京吏部主事儲瓘惜其才薦舉從
之○詔閱經筵講畢賜講官程敏政等茶及宴帝皆呼先
生不名○已酉二年御史湯鼎以論事謫戍劉傑鄒智連

未得其當
雖十易之
不為害

坐下獄大學士劉吉誣之也大理寺評事夏鍤疏救三人
皆以言獲罪實劉吉誤陛下豈知劉吉之罪不減萬安尹
直乎疏入不報鍤謝病歸○庚戌三年三月令天下設預
備倉每十里積粟萬石及數為稱職過者旌擢不及者罰
之○辛亥四年八月吏部尚書王恕乞致仕不許恕時有
建白廷議謂業已行矣恕言天下事苟未得其當雖十易
之不為害若謂已行不及改則古之納諫如流豈皆未行
乎○九月劉吉罷吉與萬安在內閣貪濁橫恣及安既去
吉當國專政與王恕不合恕有所行吉必沮之恕憤吉沮
抑屢疏求退唯大監懷恩在內知恕之賢每救之吉於是

續一八

六

丘濬言時政之弊

王恕諫納粟上官例

經理哈密

罷人皆快之。○壬子五年四月大學士丘濬上疏言時政之弊畧曰陛下端身以立本清心以應務謹好尚勿流於異端節財用勿至於耗國公任用勿失於偏聽。○十一月詔濬納粟上官例王恕言永樂宣德間天下亦有災傷各邊亦有軍馬當時無納粟例量不聞不足軍民不聞困弊比年來以此例為長策既以財進身豈能以廉律已欲他日不貪財害民何由而得乎上從之。○癸丑六年十月勅兵部侍郎張海都督侯謙經理哈密漢西域唐伊州地也其北天山與瓦剌相界西接火州為諸胡要路元封宗室勿納失里為威武王居之永樂初遣使招諭遂入貢

詔封其子脫脫為忠順王即其地置哈密衛令為西城之喉襟以通諸番之朝貢而忠順王再傳及孛羅帖木兒天順末見殺無嗣王母理國事以其外甥罕慎為都督時土魯番甚強盛其酋阿力自稱速檀乘機襲破哈密城罕慎逃居肅州十年復哈密還故土帝即位封罕慎為忠順王時土魯番阿力已死其子阿黑麻陽與罕慎結婚誘殺之復據哈密遣使入貢請代領西域職貢朝廷不許詔封元裔陝巴為忠順王欲以鎮定諸番阿黑麻大怒率兵襲之執陝巴去事聞乃命張海侯謙往經理。○乙卯八年十二月復哈密先是命張海等經理無功還阿黑麻益驕肆僭

稱可汗侵沙州迫罕東諸部附已兵部尚書馬文升聞之
 曰是可襲而執也以指揮楊義熟番情召詢方畧調罕東
 諸番兵命巡撫御史許進副將彭清等往討阿黑麻守將
 牙蘭宵遁後二年土魯番以陝巴來歸仍命為忠順王鎮
 哈密○少保大學士仁睿卒睿字仲深廣東瓊州府瓊山縣人卒年七十三○戊
 午十一年七月總制三邊軍務王越襲鞏鞬小王子於賀
 蘭山破之先是小王子自稱大元大可汗奉書朝廷方務
 優容許之自是往來套中出沒為寇諸虜相倚日強遼東
 宣大延綏俱被殘乃詔越討之越分兵三路進擊敗之套他
 倒切○六月有熊入京城乾清宮災京師西直門有熊入城

熊之為兆
 宜慎火

河孟春曰熊之為兆宜慎火未幾禮部燬禁中火乾清宮
 災或問孟春此占出自何書孟春曰予不曉占書曾見宋
 紀紹興中永嘉災前數日有熊至城下州守高世則謂其
 倖趙允紹曰熊於字能火郡中宜慎火果延燒官民舍十
 之八九予憶此事不料其亦驗也永嘉浙江温州府倖音翠副也○太監
 李廣有罪自殺廣以符籙禱祀獲罷任權傾中外勸帝建
 毓秀亭亭成幼公主殤宮亦災日者謂建亭犯歲忌太皇
 太后恚甚廣懼飲藥死帝疑廣有異書即其家索之得賄
 簿多文武大臣名言某送黃米幾百石某送白米幾千石
 帝曰廣食幾何而多若是左右曰黃米金也白米銀也帝

東米白米

怒籍沒之

符錄錄籍也事物紀源云黃帝出軍決曰蚩尤無道討之夢西王母遣人以符授之帝悟立壇

而請有玄龜御符從水中出置之壇中蓋自是始傳符錄也殤未成人服也禮卷服傳年十六至十九死為長殤十一至十五死為中殤八歲至十一歲死為下殤七歲以下為無服之殤生未三月不為殤 ○辛酉十四

年四月火節及小王子連兵入寇朱暉帥師禦之無功虜入固原寧夏境殺掠勢甚猖獗京師戒嚴既而虜引去

斜封墨勅

癸亥十六年五月帝召兵部尚書劉大夏語曰今後凡有

疑事卿可寫揭帖密進對曰不可是即前代斜封墨勅之

弊也陛下所行宜遠法帝王公是公非與眾共之外付之

府部內咨之閣臣可也如用揭帖萬一匪人冒居要職害

可勝道哉帝稱善

揭帖啓事也斜封墨勅唐中宗景龍二年始用斜封墨勅安樂長寧公主上官

婕妤等皆依勢用事請謁受賂降墨勅斜封付中書時人謂之斜封官不用硃印不用正封故曰斜 ○甲子

十七年御史陳茂烈以母老邁乞終歸養許之茂烈嘗曰

善學聖人者莫若顏曾顏之克已曾之省身學之大關鍵

克已省身
學之大關鍵

也乃作省克錄以自考 ○乙丑十八年三月戶部主事李

夢陽上疏言天下為病者二為害者三為漸者六中有及

張后弟者石恨之帝雖嘉其言不得已下之獄既而釋之

後劉大夏被召便殿奏事畢帝曰近日外事若何大夏頓

首曰近有旨釋李夢陽中外懽呼聖德如天地帝曰夢陽

本內事關戚畹朕不得已而下之獄朕試問左右一人曰

此人狂妄宜杖釋之朕揣知此輩欲重責夢陽致死以快

宮中之忿使朕受殺直臣之名朕所以即釋復職太夏頓
首曰陛下此行此一事竟舜之仁也○五月帝不豫召內閣
臣劉健謝遷李東陽等入帝曰東宮聰明但年幼好逸樂
諸先生須輔之以正道俾為令主健等皆叩頭曰臣等敢
不盡力翌日帝崩在位十八年改元者一曰弘治壽三十
六皇太子即位是為武宗毅皇帝

武宗毅皇帝名厚照孝宗長子母皇后張氏也帝初在東
宮有以俳弄為所悅者八人時稱八虎劉瑾馬永成高鳳
羅祥魏彬丘衆谷太用張永是也瑾尤擅給頌通古今常
慕王振之為人至是漸用事帝即位朝夕與其黨八人為

狗馬鷹犬歌舞角觥

以娛

俳弄俳優戲弄給給捷也王振英宗正統中太監

王振用事角觥觥音底角觥俳優戲樂也

○丙寅正德元年六月大學士劉健

謝遷李東陽聞帝與八人戲亡度連疏請誅畧曰臣等叨
居重地徒擁虛銜或旨從中出略不與聞或眾所擬議竟

行改易若以臣言為是則宜傳賜施行臣等言非亦宜明
加斥責而往往留中不發視之若無臣等因循玩愒竊祿

苟容既負先帝又負陛下語甚切直不報

玩愒愒音慨玩愒皆貪也左傳

○十月戶部尚書韓文具疏合九卿諸大臣論劉

瑾等八人之罪請正典刑太監王岳范亨等亦助韓文等
密奏帝不得已允之待明且發旨捕瑾等吏部尚書焦芳

開卷事
涉歷年
新刊

續一八史略言卷之三

卅

遂以所謀泄之瑾瑾等夜趨帝前環跪哭曰微陛下恩瑾
等磔餒狗矣帝色動瑾輒進曰害瑾等者王岳也帝怒曰
吾收岳矣瑾曰夫狗馬鷹犬何損萬機今左班官敢譁無
忌者司禮監無人也有則人不敢言帝怒是夜立命瑾掌
司禮監兼提督團營兵衆谷大用張永等並司營務分據
要地瑾夜傳命榜岳亨等逐之南京劉健等知事不可為
各上疏求去瑾矯詔勒健遷致仕惟李東陽獨留蓋前閣
議時健嘗推案哭遷亦嘗瑾等不休惟東陽稍緘默故得
獨留健遷濱行東陽祖道欷歔健正色曰何用今日哭為
使當日出一語則與我輩同去耳東陽無以應瑾尋矯詔

追殺岳亨於途兵科給事中吳翀山西道御史劉玉俱上
疏乞留劉健謝遷而以瑾正典刑帝怒下獄介為民瑾既
得志日以深文誅求微罪使自救不暇而莫敢進言上喜
謂瑾可委任矣瑾遂引焦芳入閣辦事表裏為奸凡變紊
成憲極桎臣工杜塞言路酷虐軍民皆芳導之
祖道祭道神曰祖祖
道謂饑行也欷歔悲泣氣咽而抽息也
○十二月兵部主事王守仁上疏劉
瑾怒矯詔杖五十斃而復甦謫貴州龍場驛丞既謫後瑾
使人伺之途將置之死守仁至錢塘慮不免乃夜佯為投
江而浮冠履水上遺詩有百年臣子悲何極夜夜江濤泣
子昏之句郡守楊孟瑛信之祭之江上家人亦成服守仁

守仁上疏乞職銜等語屬司
糾其不義而直臣各以
聞忠諫之路方今極然亦
惟事相因下民無不以此
非然莫敢為陛下下也
召復以罪戮等語王則
補國事而位增陛下
崇其社稷之靈陛下
開其金匱之寶陛下
天降洪福一應皆陛下
東臨嚴範在直或盡矣
損海無涯陛下有長生
然使進退在在莫不
陛下於願也此言臣
仍舊世職入心

遂隱姓名入武夷山中

子晉吳王夫差臣伍員字子晉以讒死夫差取其尸投之江吳人隄

之立祀江上一名曰晉山武夷山在福建建寧府崇安縣

○劉瑾時雜構戲玩娛帝候

帝娛則多上章奏請省決帝曰吾安用爾為而一煩朕瑾

由是自決天下政○丁卯二年三月劉健謝遷雖既去劉

瑾憾而不已矯詔列健遷及尚書韓文楊守隨都御史張

敷華戴珊郎中李夢陽主事王守仁等五十三人為奸黨

榜示朝堂○戊辰三年三月逮都御史楊一清下獄先是

一清巡邊上疏陳戰守之策請開屯田數百里省內連遂

興築邊牆尅期完工劉瑾憾一清下獄戶部尚書王鏊言

於瑾曰一清有高才重望為國脩邊可以為罪乎李東陽

劉瑾播詔楊守隨等... 楊一清高才重望

丹據者階上地曰據天子以丹階地故

亦力救之乃得釋○六月早朝有遺書丹據者帝命拾以

進則告劉瑾不法書也瑾大怒矯旨執朝官二百餘人令

悉出午門跪聽處分時酷暑暴烈日中仆死者十餘人至

暮盡送下詔獄明日李東陽疏救瑾亦廉知其同類所為

乃釋○囚致仕尚書劉大夏至京下獄尋戍肅州初大夏

以鎮守中官董讓等貪殘請按治帝不用致仕歸劉瑾與

焦芳譖於帝曰籍大夏家可當邊費十二會田州岑猛叛

遂謂大夏前為巡撫時激變下獄論死都御史屠滂持不

可乃戍肅州大夏就道京民焚香携饘泣餞所至為之罷

市後大夏卒人稱曰通達國體如陸贄質直不阿如汲黯

劉大夏通達國體

續通志卷之三

廣潔不私如包拯忠誠懇切如司馬光又曰憂民如有病見客若無官也也音葉野饋曰饋又餉田也陸贄唐德宗臣也及黠漢景帝臣也包拯宋仁宗臣也司馬

光宋仁宗神宗臣也○己巳四年四川劉烈陝西藍廷瑞鄆本怒廖

惠霸州劉六等賊各聚一方稱王時草寇竄發不可勝紀

草寇草野竊盜書微子殷○庚午五年三月總制洪鐘禽

廷瑞本怒斬之大破其軍廖惠逸去轉掠兩川○四月安

揚一清說
張永

化王真鑄反起都御史楊一清總制軍務以太監張永監

軍討之一清與永西行一日泣謂永曰藩宗亂易除國家

內亂不可測公亦天子信幸臣今討逆不付他人付公帝

意可知公班師入京帝必引公問以寧夏事公於此時述

十載三人

劉瑾罪狀帝英武必悟且大怒誅瑾柄用公公益矯瑾行

事呂彊張萊業暨公千載三人耳永曰即不濟奈何一清

曰言出公必濟顧公言時須有端緒且委曲脫帝不信公

頓首請死行事毋緩頃刻漏事機禍不旋踵永攘臂起曰

我亦何惜餘生報主乎遂進趨安化先是遊擊將軍仇鉞

屯王泉營真鑄召之鉞謬以兵隸賊營自稱疾堅卧及一

清將至真鑄令昂就鉞問計鉞斬昂馳縛真鑄賊平張永

等班師還京安化陝西慶陽府安化縣鑄音播呂彊東漢末宦官之賢者張萊業唐末宦官之忠者

○八月劉瑾伏誅張永至自安化獻俘上迎之東華門賜

宴比夜瑾先退夜半永出疏懷中謂瑾激變安化心不自

劉瑾伏誅

續十八史略讀本卷之三

江彬得寵

兵討賊無功。賊攻徐州。掠淮西。趙風子破裕州。同知郁米
死之。明年命咸寧伯仇鉞副都御史彭澤討賊。凡三年始
平。○宣府人江彬驍勇狡險。從宣府副總兵張俊討流賊。
於山東。班師入京。賄錢寧引入豹房。得見帝。彬機警善迎
人意。帝喜。留侍左右。因請調遼東。宣府大同延綏四鎮兵
入京操練。號外四家軍。令彬等入西內習營陣技騎射。帝
戎服臨之。銃砲之聲不絕禁中。於是邊將許泰劉暉等皆
有寵。與帝同卧起。而彬寵尤盛。言無不從。○甲戌九年二
月。寧王宸濠奏乞復護衛屯田。許之。宸濠太祖子寧主權
之後也。國南昌。性貪殘。僭侈。志欲無涯。而以文行自飾。天

寧王宸濠
驕橫

帝出關遊
獵

順間寧府以事革護衛屯田。賂劉瑾復得之。瑾誅復革。罷
至是宸濠陰計徧賂朝貴乞之。既復護衛。改稱侍衛。益驕
橫。○丁丑十二年八月。帝出關遊獵。先是江彬等屢導上
出宮遊。戲近郊。至是遂出居庸關。至宣府。彬為帝營府第。
輦豹房珍玩女御。其中日入民家索婦女。以進。帝樂之。忘
歸。帝遂幸大同。獵陽和。北寇數萬騎入寇。諸將力禦之。轉
戰五日。寇引去。○戊寅十三年六月。帝議北巡。自稱威武
大將軍。大學士梁儲毛紀等連名上疏曰。陛下為君。乃自
卑。而列于臣。臣草勅。是以臣名君也。勅不敢草。帝大怒。手
劄立曰。不草勅。齒此劄。梁儲免冠解服曰。臣逆命罪應死。

續一八史紀事本末卷之三

十五

縛俱斬遂據南昌傳檄遠近革正德年號指斥乘輿置左
 右丞相太元帥等官遣兵攻南康九江破之舟楫蔽江而
 下聲言直取南京道經安慶知府張文錦死守城上矢石
 如雨賊衆多傷不能直行遠近因得為備御史李克嗣飛
 章告變江彬請親征王瓊曰有王守仁在必就擒矣毋煩
 聖駕時守仁方奉命勘事福建聞變與吉安知府伍文定
 謀傳檄州縣起兵守仁率文定等至豐城遠近勤王兵亦
 至或議救安慶守仁曰九江南康皆為賊據我若越二城
 趨安慶南昌兵議其後絕我糧道二城兵又合勢乘之腹
 背受敵非利也賊精銳悉出守備皆空不如直搗南昌使

王守仁平
 南昌

彼解圍自救然後逆擊之湖中蔑不勝矣衆稱善乃下令
 曰一鼓附城再鼓登三鼓不登誅四鼓不登斬其隊長遂
 昇攻具至城下梯組而登遂克之宸濠聞南昌報急遂棄
 安慶歸大賞將士當死者千金被傷者百金賊衆奮戰官
 軍披靡伍文定急斬先却者以徇身立砲銃間火焚其鬚
 鬢不移足士殊死戰兵復振賊遂大敗宸濠為萬安知府
 王冕所執諸妃嬪皆赴水死賊黨悉平初宸濠反妻妃泣
 諫不聽至是在檻車痛哭曰昔紂用婦言而亡我今以不
 用婦言而亡也時宸濠雖擒捷音猶未至京帝欲假親征
 南遊遂出駐良鄉捷至梁儲請回鑾不聽帝至南京守仁

續一八身錄卷之三

上疏請獻俘江彬內使張忠等欲奪其功謂當縱宸濠於鄱湖待帝親戰論功屢遣人止之守仁不得已械宸濠等由浙河以進張永候於杭州守仁至杭以宸濠付之永復命備言守仁之忠并江彬等欲害之之意彬等又譖守仁必反帝召守仁即奔命至龍江將進見彬等阻之守仁乃入九華山永聞之又力言於帝曰王守仁忠臣論巾野服入九華山永聞之又力言於帝曰王守仁忠臣今聞衆欲爭功棄其官入山為道士由是帝益信之命巡撫江西令更上捷奏守仁易前奏言奉上方畧討平寇亂且盡入江彬張忠等姓名上之彬等乃無言明年宸濠囚至通州帝令自盡○庚申十五年十月帝自南京班師還

王守仁

入九華山

宸濠自盡

京江彬益驕橫其所部卒桀驁不可制○辛巳十六年三月帝崩在位十六年改元者一曰正德壽三十一皇太后與大學士楊廷和等定議遵兄終弟及之祖訓迎興獻王子厚熄於安陸立之是為世宗肅皇帝安陸湖廣安陸府陳建曰嘗視正德之際而知天意之祚我明永也逆瑾滔天八黨亂政何異漢五侯十常侍唐甘露之黨也流賊之擾遍于中外何異漢黃巾唐黃巢元紅巾之亂也慶寧二府之變何異漢七國晉八王之禍也召邊兵入衛京師何異漢董卓亂也武宗之荒淫遊燕何異秦漢隋唐之季也嗚呼前代有於此未有不亡今乃叢是數者而國家安如盤石豈非天哉

世宗肅皇帝名厚熄憲宗第四子興獻王祐枕長子武宗從弟也○皇太后召楊廷和張永等議收江彬下獄論磔

誅江彬

續通志卷之三

於市籍其家金七十櫃銀二千二百櫃每櫃二千餘兩殊
 王寶飾不可勝計○廷臣會議尊武宗為皇兄孝宗為皇
 考孝宗后為皇太后興獻王為叔父母為叔母進士張璁
 上疏論其非帝覽其疏喜以示群臣時迎聖母至京禮部
 奏用王妃儀仗聖母志留通州不入帝泣啓皇太后願避
 位躬奉聖母歸以終孝養群臣惶怖帝乃尊興獻王稱帝
 王妃稱后後三年改孝宗曰皇伯考孝宗后曰皇伯母興
 獻王曰皇考母曰聖母而徽號乃定以議典禮忤旨吏部
 侍郎何孟春已下戍邊奪俸者前後二百餘人儀仗儀禮儀也仗兵
 封王守仁衛也徽號○壬午嘉靖元年正月封王守仁為新建伯○
美善之號

封王守仁

帝建醮宮

癸未二年太監崔文誘帝建醮宮中日夜不絕給事中劉
 最劾文左道糜帑帝怒謫廣德州文憾不已據最他事戍
 之極邊其後帝以無儲嗣益脩齋醮醮僧道設壇祈禱曰醮左道謂邪僻不正
之道也糜爛也謂財物糜散凋敝○甲申三年南畿大飢人相食子殺父
 弟殺兄有之帝發帑金十五萬以賑○乙酉四年六月作
 世廟初國子生何淵首請崇祀皇考於太廟章下廷議群
 臣俱上疏爭翰林學士張璁言孝子之心無窮分則有限
 得為而不為與不得為而為之均為不孝別立禰廟禮之
 得為者也臣味死勸陛下為之入太廟禮之不得為者也
 臣味死勸陛下勿為禮部尚書席書亦三疏勸止俱不報

南畿大飢人相食

璫乃謂書曰聖心未悞也須別立廟不干太廟尊尊親親
並行不悖書等遂請於皇城別立一廟詔可定名世廟後

更名獻皇帝廟孝子之心至均為不孝論語孟懿子問孝

昧死漢高帝紀昧死再拜言張晏曰秦以人為臣上書當言昧死罪而言漢遂遵之○丁亥六年

四月以新建伯王守仁為兵部尚書總制兩廣及江西湖

廣軍務初田州土官岑猛反總督兩廣都御史姚鏞討之

猛奔歸順知州岑璋誅之已而猛黨盧蘇王綬復叛御史

石金誣奏鏞輕信寡謀安攘無術帝怒落鏞職命王守仁

代之守仁疏言田州地鄰交趾蠻獠出沒宜仍設土官俾

為屏蔽遂至田州招撫諸軍解甲休息蘇綬大喜乞降守

王守仁定
甲州

王守仁平
斷藤峽徭

仁數二人罪杖而遣之隨入營撫定其眾因上言岑氏自

洪武以來為土知府世有功治田州非岑氏不可請以猛

次子邦相署州事設巡檢司以蘇綬任之並受約束於流

官報可田州以安○戊子七年九月斷藤峽徭頑兇梗化

兩廣郡縣罹賊害者數十年守仁既平田州兩廣父老遮

道言狀盧蘇王綬亦請立功自贖守仁乃潛約兵期討之

賊悉平翰林學士桂萼忌之論守仁挾詐專兵禮部尚書

霍韜上疏曰今守仁沉機不露掩賊不備一舉蕩平百數

十年虎豹窟穴掃而清之如拂塵然臣是以歎服守仁能

體陛下之仁以懷綏思息田州向化之民能體陛下之義

以討八寨斷藤峽梗化之賊本以為功反以為罪可乎又言守仁大臣也豈以功賞有無為重輕哉第恐當時有功之人及守官立功之人視此解體則在外鎮臣遂無所激勸矣疏奏不報○十一月皇后陳氏崩帝性嚴厲后一日偶忤旨人悸隨娠崩○已丑八年二月新建伯兵部尚書王守仁卒于南安守仁浙江餘姚人字伯安號陽明山人後贈諡文成天資英異平生以講學自任專以致良知為主從遊弟子甚多所著有傳習錄○六月前少師楊廷和卒後帝問有司太倉所積幾何對曰可支數年由陛下初年裁革冗員所致帝慨然曰此楊廷和功也○庚寅九年十月改奉孔

王守仁卒

王守仁卒

子為先師易像為主別立啓聖祠俱張璠所議也舊封孔子為玉璠曰天子無拜王之禮也故改舊以孔顏孟曾之父祀于兩廡聰曰豈有子坐正殿而其父乃傍列兩廡乎故別祠祀之也○壬辰十一年七月彗星見御史馮恩上疏言張孚敬即張改名根本之彗也汪鉉腹心之彗也方獻夫門庭之彗也乞斬三奸以應更新之象帝怒下恩獄鉉欲議斬之孚敬曰不可此子立名非真久當自敗殺之吾儕任其咎而遂成孺子之名也遂令咸死謫戍彗遂位二音彗竹掃帚也彗星妖星光芒徧指如彗也○癸巳十二年十月小王子屯大同塞外總兵官李瑾浚濠以遏虜騎督役甚急役卒王福勝等數十人作亂殺瑾潛出塞誘小王子入寇總制源清請增兵禦寇而已欲

奉孔子為先師

馮恩上疏言三彗

恩上疏如彗字敬注疏方解其曰彗字敬注疏方解其曰彗字敬注疏方解其曰彗字敬注疏方

謹潛出塞誘小王子入寇總制源清請增兵禦寇而已欲

續通志卷之三

何贊勦秦虜二策

專兵不許清遂謝病帝怒黜之以張瓚代瓚至下令無攻
 城諭用兵非朝廷意邊境稍安○丙辰十五年正月以劉
 天和為兵部左侍郎總制三邊時小王子稍厭兵徙幕東
 方稱土蠻其族曰吉囊曰俺答者雄黠喜兵居河套為諸
 部長蹂躪諸邊天和赴鎮修戰具飾邊備築增城堡吉囊
 大舉入寇天和檄諸將連敗之○戊戌十七年御史何贊
 言勦套虜二策一曰計以破之令西北諸鎮各出遊兵往來侵擾使彼分救不暇且
 伺其北寇宜大則陝西三邊乘其虛搗之西寇全陝則宜
 大之鎮躡其後追之時募死士斫其營用間謀離其黨
 二曰勢以逼之于邊境多置斥堠盛陳輜重刀斗相聞耀兵收馬以示欲戰之勢或時乘其懈散而以
 以責成功復興屯田以裕邊儲臣帝善之而不果才斗前漢李廣

方士仲文

傳不擊才斗孟康曰以銅作鑊受一斗斗○己亥十八年二月
 帝請承天府視顯陵典獻車駕至衛輝白晝有旋風繞駕
 不散帝以問仲文仲文姓陶湖廣黃岡人少為縣掾喜神
 京師時致一真人邵元節貴幸會官中黑背見元節治之
 無驗遂薦仲文代己試官中稍能絕妖上寵異之至是宦
 駕南巡對曰當火遣仲文禳之仲文曰火終不免可謹護聖
 躬耳是夜行宮果災宮中死者無算錦衣陸炳排闥入負
 帝出竟無恙帝勅授仲文神霄保國宣教高士○庚子十
 九年八月方士段朝用上言居深宮無與外人接則黃金
 可成不死藥可得乃以所煉白金製器進帝與語大悅即
 諭廷臣令太子監國朕靜攝一二年乃親政舉朝愕不敢

帝信方士罪諫臣

置安南都統使司

言太僕卿楊最諫之帝怒立下詔獄杖殺之○辛丑二十
 年時帝經年不視朝日事齋醮工作煩興禮部尚書嚴嵩
 寵任用事賄賂公行邪佞日親監察御史楊爵上疏歷陳
 諸弊諫詞甚切直帝震怒立下詔獄杖之自是無敢言者
 ○四月置安南都統使司先是安南黎利立為王傳至黎
 諲其臣莫登庸逐諲篡位不通朝貢者二十餘年諲子寧
 遣使告難帝命右都御史毛伯溫督軍討之伯溫抵廣莫
 登庸乞降請奉正朔帝大喜改安南國為安南都統使司
 授登庸都統使三歲一貢以為常○壬寅二十一年俺答
 寇山西時吉囊已死諸子不相屬散處河套勢分惟俺答

嚴嵩竊弄威柄

日強盛屢犯塞至是大舉入朔州抵廣武由太原南下沁
 汾大殺掠人畜參將張世忠等戰死俺答既勝轉掠定襄
 廣昌乃出陽和塞而去○癸卯二十二年二月帝幸曹妃
 宮既寢官婢楊金英謀弒帝以組經帝頸有張金蓮者奔
 告后后馳救得免詔誅楊金英而及曹妃妃死帝每痛其
 冤○嚴嵩既入內閣竊弄威柄內外百執事有所建曰俱
 先白嵩許諾然後上聞於是副封苞苴輻輳其門大學士
 翟鑾位其上嵩惡之嫉言官劾其子黃綠舉進士遂介為
 民建白胡三省曰建議而白之副封諸上書者皆為二封
 署其一曰副執政先發副封所言不善屍居不奏輻輳
 前漢書四方輻輳注輳聚也言如車輻
 之聚於轂也黃綠因賄于進曰黃綠

丙午二十五年

四月以兵部侍郎曾銑總督陝西三邊軍務是冬俺答以十萬騎入掠延安慶陽銑率兵數千禦退之○丁未二十六年五月曾銑出塞襲套部斬馘甚衆套虜遠遁不敢近塞銑以捷聞命賞銀幣銑上邊務十八事營陣八圖帝善之○戊申二十七年五月俺答寇偏頭關七月寇大同九月入宣府塞寇居庸聲勢甚張○嚴嵩論曾銑妄開邊釁處斬妻子流三千里天下寃之因論大學士夏言黨銑誤國同斬其妻蘓氏請以身代不許○庚戌二十九年八月俺答入寇宣府轉掠懷柔順義遂至通州營白河東分兵四掠時僉都御史王忬守通州人走京師請援京師始

以繩懸城而下也

俺答薄京師

震急集諸營兵城守遣都御史王儀以三千騎援通州又命都御史商大節募民間材勇合四萬餘時寇已薄都城諸路勤王之兵亦至詔以大同總兵仇鸞節制諸路兵馬嚴嵩曰塞上敗可掩輦下敗不可掩寇飽自去諸將皆不敢戰虜掠三日火日夜燭天大掠金帛子女而去鸞率諸鎮兵尾之至昌平猝與虜兵遇俺答縱騎梁幾獲鸞遂循古北口故道出塞繩說文以繩有所懸也左傳夜縶而出○辛亥二十一年正月錦衣衛經歷沈鍊上疏言嚴嵩受國重任貪婪愚鄙不聞諮諏方畧治國安邊惟與子世蕃為全家保妻子計以朝廷之賞罰為己出故人皆計嵩愛憎不知朝廷恩

焚者會也

續十八史界讀本卷之三

三十四

倭寇

之見。妄有陳說。荷陛下不即加戮。俾從吏議。杖後入獄。割肉二斤。斷筋二條。日夜籠箠。備諸苦楚。年荒家貧。臣紡績供給。儻以罪不可救。乞將臣梟首。以代夫命。夫生一日。必能執戈矛。禦魑魅。為疆場效命之鬼。以報陛下。奏入。為高所抑。不得達。繼盛臨刑。詩云。浩氣還太虛。丹心照千古。平生未報恩。留作忠魂補。天下傳誦。寬之。（音分山兒）（音雪）（音其）

寬也。魑魅。魑音鴟。山神也。魅音妹。怪物也。左傳。投諸四裔。以禦魑魅。○三月。海賊徽州汪直。糾倭虜入寇。賊艦蔽海而來。蘇浙等地千餘里。無不殘戮。後巡撫胡宗憲。以鄉情。徽州人。誘直降。許封官秩。遂執平之。是時北虜方橫。而南倭復發。終嘉靖之世。南北騷擾。幾

嚴嵩殺沈鍊

無寧日。（倭音窩。按稱日本為倭者。昉于後漢書。光武紀云。中元二年春正月辛未。東夷倭奴國王遣使奉獻。倭奴今作怡土。筑前國怡土郡是也。漢時怡土國遣使奉獻。漢人書作倭奴。國王遣使奉獻。此後歷代據漢史所書。單稱為倭也。又為音窩者。日本自稱語。韻似窩。故後來漢人取其語。韻轉為音窩耳。）○丙辰。三十五年。十二月。陝西山西河南同時地大震。有聲如雷。或地裂泉湧。或平地成山。官民死者八十萬有奇。○丁巳。三十六年。十月。嚴嵩殺前錦衣衛經歷沈鍊。初。鍊既編保安。即子身至里。長老問知鍊狀。咸大喜。遣其子弟從學。鍊稍與語。忠義太節。乃爭為鍊罵。嵩快鍊。鍊大喜。嘗東蜀為偶人。三目。為林甫。槍及嵩而射之。語稍稍聞。嵩大怒。誣以謀叛。併鍊。二子殺之。（林甫。李林甫。唐玄宗朝奸相。秦檜。宋高宗朝奸相。）○雷雨大作。火

嚴嵩罷

光駮起奉夫華蓋謹身三殿及午門一時並燬詔停刑令百官修省五日○辛酉四十年十一月萬壽宮災宮在西苑帝自宮婢之變即徙居此時暫移玉熙宮火作禁衛不及救乘輿服御皆燬○遣御史王太任等遍訪天下仙術異人○壬戌四十一年五月嚴嵩罷時帝漸有疑嵩意密諭大學士徐階舉堪輔政者階由是日親用事帝眷益移御史鄒應龍上疏極論嵩父子不法且曰如臣言不實願斬臣首懸之藁竿以謝世蕃嵩子父子帝覽之心動命嵩致仕乘傳去而下世蕃於獄後伏誅籍其家嵩寄食故舊以死○癸亥四十二年俺荅逼京東勅諸鎮兵入援時守外

帝服金石藥

城者以調兵不至疏劾本兵楊博夜呼崇文門甚急刑部侍郎孫植以疏入必激帝怒本兵動搖事且不測乃却其疏不納亟請調發應之總兵馬芳等兵相繼至虜遁去乘勝追斬三百餘級○丙寅四十五年正月帝不豫先是方士王金陶世恩子世恩等偽造諸品仙方以金石藥進性燥熱帝服火發不能愈○戶部主事海瑞上疏其畧曰陛下初年遠過漢文二十年來法紀漸弛今萬方懸罄民不聊生諸臣猶修齋設醮相率進香天藥天桃相繼表賀夫玄修以求長生也然堯舜禹湯未有至今存者陛下師事仲文而仲文已死彼既不能保其身玄修之無益可知矣帝大怒

命下瑞獄

懸磬言貧乏室曰懸磬左傳室如懸磬玄修黃老之術長生之道也人生死壽係於天之氣數然道家之士常使精氣保煉以無勞耗乃可以過期延年矣

五年改元者一曰嘉靖壽六十歲皇子裕王即位是為穆

宗莊皇帝

穆宗莊皇帝名載坫世宗第三子初封裕王○太學士徐

階草世宗遺詔召用建言得罪諸臣死者卹錄方士付法

司論罪一切齋醮工作及政令不便者悉罷之○丁卯降

慶元年二月以陳以勤張居正俱入內閣二人侍裕邸講

讀至是並參大政○戊辰二年七月陝西民李良雨忽變

為婦人與同賈者苟合為夫婦○十月遼王憲燦有罪廢

陝西民李良雨忽變為婦人

為庶人國除憲燦在世宗朝以奉道被寵賜真人號至是

巡按御史邵光劾滯悍僭擬遣侍郎洪朝選勘實免為庶

人國除音燦○己巳三年五月御史詹仰庇上疏言陛下

取戶部銀盡以供造鰲山修治花欄等費使群小因得乾

沒為聖德累不小帝怒廷杖編民太學士李春芳等力救

不免鰲山燈山也結五絲為之乾沒音干史記為小吏乾沒謂無潤沢而取他人上也○辛未五

年三月封俺答為順義王初俺答孫把漢那吉聘襖兒都

司女號三娘子即俺答外孫女也俺答見其美奪之把漢

惠率屬十餘人來歸大同總督王崇古留之諸將曰此孤

豎無足重輕宜勿留崇古曰此奇貨可居俺答即急之因

封俺答為順義王

而為市諭以執送叛人趙全等我歸其孫若其弗急則我
 因而撫之如漢質子法使招其故部居近塞俺答老且死
 其子黃台吉勢不能盡有其眾乃令把漢還以眾與黃台
 吉抗我按兵助之此安邊之大畧也朝議喧然以為不可
 帝曰慕義來降宜加獎勵其以把漢為指揮使賜衣一襲
 俺答妻恐中國殺其孫日夜怨俺答俺答亦自悔遂擁眾
 十萬歷境崇古命趙崇德往諭以國恩要其縛叛示信俺
 答丈婦感且愧曰漢乃肯全我孫吾且齧臂盟世世服屬
 無貳遂請互市執叛人趙全等來獻崇古上言遂封俺答
 順義王把漢昭勇將軍其族昆都力辛愛等授官有差崇

古以款俺答功加少保萬曆初名俺答所居曰歸化城可居陽翟大賈呂不韋凡秦庶子錢為質一趙曰此奇貨可居喻貨財也居蓄積也謂居蓄賤物以來時射利也

○壬申六年正月詔築徐邳河堤自徐州至宿遷三百七
 十里并繕豐沛太黃堤正河安流運道大通○帝不豫召
 閣臣高拱張居正高儀至乾清宮受顧命帝倚坐御榻皇
 后及皇貴妃咸侍東宮立於左太監馮保宣顧命曰朕嗣
 統方六年今疾甚殆不起有負先帝付託東宮幼冲以屬
 卿等宜協輔遵守祖制則社稷功也拱等泣拜而出翼日
 帝崩在位六年改元者一曰隆慶壽三十六皇太子即位
 是為神宗顯皇帝

神宗顯皇帝名翊鈞。穆宗之子。○罷太學士高拱。初拱與張居正文善。既而內離猜防。日甚。拱惡太監馮保矯穆宗遺詔。掌司禮監專恣。逐之。使人報居正。居正陽諾之。私以語保。保密奏拱擅權。明日召群臣入宣詔。數拱罪。罷之。不許停留。拱即日出朝門。乘一牛車去。而高拱未幾亦以病卒。居正遂為首輔。○癸酉。萬曆元年正月。張居正及馮保謀殺前太學士高拱。未遂而罷。帝出乾清宮。見一無鬚男子。假稱內使。袖有佩刀。左右執之。問其名。曰王大臣。問何自來。曰自總兵戚繼光來。下東廠鞫問。居正與馮保陰謀誘大臣。以厚賞。令言高拱怨望。使我刺皇上。獄具。且逮拱。

太學士張居正

內監高拱

吏部尚書楊博

吏部尚書楊博。左都御史葛守禮。共言於居正曰。高公雖粗暴。天日在上。安得有此。願相公持公議。居正憤然入內。取揭帖投博。揭帖有居正竄改歷歷有據四字。而居正忘之。守禮識居正字。笑而納諸袖。居正覺曰。彼法理不諳。我為易數字耳。守禮曰。吾兩人非謂相公甘心高公以回天。非相公不能。居正揖謝曰。何以教我。博曰。此事宜得忠正。與國休戚者。乃委治焉。居正悟。言於帝。命馮保與葛守禮會審。保即問曰。誰主使者。大臣曰。爾使我保氣奪。又問。爾言高相公何也。曰。汝教我。我則豈識高相公。復詰其佩刀。曰。馮保家僕辛儒所予。保益懼。遂罷。審保密飲。大臣生漆。

酒瘖之而以拱行刺事上聞有殷內監者年七十餘奏帝
曰高拱故忠臣何為有此內監張宏亦力言不可於是帝
下刑部擬罪竟論大臣斬而高拱幸無虞矣甘心謂快意殺之也
甲戌二年命繪天下疆域及京省文武群臣姓名於御屏
朝夕省覽○乙亥三年編修張位上疏請飾史職略曰國
家設起居注官寔古者左史記事右史記言之制邇來史
名雖存史寔久廢如兩廟世宗穆宗寔錄凡所編輯不過總集
諸司章奏稍加刪潤至于仗前柱下之語章疏所不及者
即有見聞無憑增入且裨官野史為海內流傳又恐失真
此皆史職缺廢所致也皇上踐祚以來善政班班可述乞

劉臺劾張
居正

即蚤賜紀錄以光大典帝從之○丙子四年正月御史劉
臺劾張居正專擅威福如逐大學士高拱私贈成國公朱
希忠王爵罔上行私橫黷無厭居正怒甚見帝辭政曰臣
之所處者危地也言者以為擅作威福而臣之所行正威
福也將巽順以悅下邪則負國竭公以事上邪無以逃專
擅之譏伏地不肯起帝下御座手掖之曰先生起朕當責
臺以謝詔下臺獄杖一百遠戍之時議籍籍居正不自安
復具疏為解免杖奪職為民然心恨之後竟置之死○丁
丑五年張居正上言春生秋殺天道所以運行雨露霜雪
萬物因之發育明主奉若天道刑賞予奪皆奉天意以行

事若棄有德而不用。釋有罪而不誅。則刑賞失中。慘舒異用矣。彼以其怨恨冤苦之氣鬱而不散。或上蒸為妖。沴氣侵之。變下或致凶荒疫癘之疾。則其為又不止一人一家也。請俟明年。然後槩免。一年。帝從之。諭停刑。沴音田。上声。隍陽氣。乱曰。

沴氣侵。音侵。妖氣。○十月。編修吳中行。檢討趙用賢。刑部員外艾穆。主事沈思孝。四人。交章劾張居正。命杖謫之。庶士許文穆。醵玉杯一。以贈中行。曰。斑斑者何。卞生淚。英英者何。蘭生氣。追之。琢之。永成器。又醵犀杯一。以贈用賢。曰。文羊一角。其理沉黝。不惜剖心。寧辭碎首。黃流在中。為君子壽。卞生。卞和。楚人。卞和得玉璞。獻玉。王為詎。而刑其足。和乃抱其璞而哭。泣。盡血。繼之。和曰。吾非悲刑也。悲夫。室玉。而題之。以

潘季馴治河兩堤相望如常山來時

石貞士而名之。以詠蘭生氣。趙惠文王得和氏璧。秦昭王請以十五城易之。欲不與。畏秦強。欲與。恐見欺。蘭相如願。奉璧往。既至秦。王無意償。城蘭相如。乃始取璧。怒髮指冠。卻立。曰。臣頭與璧俱碎。遺從者懷璧先歸。身待命於秦。昭王賢。而歸之。追之。追音堆。雕也。犀獸名。似豕形。有二角。一在鼻上。流黃酒。名鬱也。○已卯。七年。二月。漕河工成。先是。淮安有水患。河決入淮。水勢不敵。淮揚咸為巨浸。直逼泗州。城郭陵寢。害無寧歲。帝憫之。發金八十餘萬。命御史潘季馴董其事。東。西。自。延。袤。八。百。餘。里。兩堤相望。如常山。夾峙。而河流其中。不特陵寢不犯。且數十年。棄地轉而耕桑矣。○庚辰。八年。武義孝子王世名。年十七。父為人殺。世名恐殘父屍。不忍出理。乃陽與息密購一。及上銘報仇。二。字母妻不知也。服闋。遊邑庠。又三年。生一子。忽語

度民田

母曰吾可死矣遂往殺仇者赴邑請死邑令憐而欲全之
 世名曰殺人者死國法也奈何以吾廢法乎竟不食死聞
 者悲之有孝廉張鳳翼為之傳○十一月度民田初建昌
 知府許孚遠為歸戶冊以田從人法簡而密至是復度
 田畸零截補豪猾不得欺隱而小民無虛糧視弘治時贏
 田三百萬頃張居正頗以溢額為功有司短縮步弓以求
 田多後遂按溢額增賦畸零畸音雜殘田也井田為正零
 田不可井者為畸地勢多邪曲取
 正方則田必有畸零畫井者必足其數也步弓度地論二
 尺為一肘四肘為一弓三百弓為一里三百步為一里即
 三百弓也○壬午十年六月大學士張居正卒帝震悼輟朝遣
 太監張誠監護喪事賜賻甚厚居正性深沉機警多智數

張居正卒

清太祖

及攬大政登首輔慨然有任天下之志勸帝力行祖宗法
 度帝亦悉心聽納海內肅清治績炳然惜其徧衷多忌剛
 復自用威權震主內顧不堪居正嘗責武弁云汝等解為
 三獸不解讀書股軍膏則虎而翼鬻當路則狐而媚至于
 逢大敵則鼠而竄耳時傳為快論股音錫縮也減也前漢
 鬻行也當路謂有權勢者○十二月謫太監馮保於南
 京復吳中行趙用賢艾穆沈思孝等官○癸未十一年五
 月建夷奴兒哈赤克圖倫城奴兒哈赤姓愛新覺羅氏東
 韃靼建州女直部之人也先世居俄魯里城國號曰滿洲
 歷傳至奴兒哈赤于時諸部落紛亂群雄蜂起各主其地

追奪張居
正官爵

互相攻戰爭奪無已時。奴兒哈赤於是起兵先征尼堪外
 蘭克圖倫城。當是時兵僅百人。甲三十副而已。○甲申十
 二年正月。御史羊可弘追論張居正罪惡。詔奪其官爵。贈
 謚籍沒其家產。長子敬修不勝拷掠自縊死。刑部尚書潘
 季馴等上疏曰。居正抄沒國法已正。眾憤已平矣。然八旬
 老母與諸幼弱。若併罹法恐非罪人不孥之意也。帝允之。
拷掠。拷打也。掠。謂推治罪人。罪人不孥。孟子曰。昔文王治岐也。云云。罪人不孥。注。孥。妻子也。惡。惡止其身不及妻子。
 ○九月平樂兵亂。帝欲坐其守臣周祈罪。太學士申時
 行上疏曰。周祈給餉稍遲。誠為有罪。但此輩驕悍難馴。往
 者如雲。貴遼陝。嘉靖前各邊以請糧殺督撫者數四。情殊可恨。若以此罪及

守臣各邊軍士。效尤而起。將來司府畏軍士如狼虎。不敢
 約束。天下自此多事矣。即周祈一人不足惜。而長軍士之
 驕氣。則深可憂。即驕一廣西之軍士。不足憂。而生九邊軍
 士之狡心。則大可懼也。帝從之。○十二月詔以王守仁陳
 獻章從祀孔廟。有人言王守仁陳獻章為偽學禪宗。不宜
 從祀孔廟。申時行曰。守仁言良知本於孟子。獻章言主靜
 原於宋儒。豈同老莊佛釋之徒哉。良知。孟子曰。人之所不
 不慮而知者。其良知也。主靜。宋周茂叔大極圖
 說。聖人定之以中正仁義而主靜。立人極焉。○乙酉十
 三年起用海瑞為南京僉都。瑞具疏陳治安要機。時御史
 有戲遊者。命以杖之。諸僚無大小咸懼奉法。而雨花牛首

海瑞卒

等處遊宴頓絕。都人塗傳巷頌。比如包老復生。瑞在院九月以病卒。御史王用汲入視。葛幃敝衾。有寒士所不堪者。嘆息泣下。啓其篋。僅十餘金。士大夫資金以殮。士民哭之。至罷市者數日。喪出江上。送者兩岸無隙地。沿途設祭數百里不絕。包老包極字希仁。事宋仁宗。至樞密副使。極性容人。謂包希仁。笑比黃河。千年一清。蘇人朱良。吊詩云。批鱗直奪比干志。苦節還同孤竹清。龍隱海天雲萬里。鶴歸華表月三更。蕭條棺外無餘物。冷落靈前有菜羹。說與傍人。渾不信。野夫親見淚如傾。鐘惺曰。神宗知海公。而僅授南僉都將。未免有置詎長沙之惜。使得木任。竟其業。則所成就。吾不知當何如也。 ○丙戌十四年。建昌有巨蛇一角六足。如雞距。不噬人。人以故爭往觀之。徐徐入深山。去華山記云。蛇六足者名肥蠃。見則千里內

巨蛇一角六足

肥蠃一身二首。六足。四翼。見則太早。湯時見陽山。

禮者謂禮。禮相提新。以成史。禮也。又外氣也。

唐太宗多慚德。魏徵大節有虧。

大旱十六十七 ○戊子十六年正月。命停講。貞觀政要。帝謂輔相曰。唐太宗多慚德。魏徵大節有虧。宜停講。自後講禮記。○豫章大疫。新建一民窘甚。僅銀三分。以二分買米。一分買信。將與妻拏一飽。死炊方熟。會里長來索賦。里長適飢。見所炊飯。欲食之。其家搖手曰。此非君所食。里長怪之。無已。告以寔。里長大駭。亟起。傾其飯。曰。何至此。引其人至家。給之穀五斗。其人負歸。視之中有金五十。愕然曰。此必里長所收。賦銀。悞置其中也。急持還。里長曰。吾寔無此金。殆天以賜。苦者。其人不肯受。久之。乃各分其半。○己丑十七年九月。授建酋奴兒哈赤都督。初。遼東總兵李成梁

續一少後諸君卷之三

三十五

寧夏卒

征建夷阿台。奴兒哈赤祖父為鄉導，並死。兵火，奴兒哈赤方幼。李成梁直離視之，後稍蠶食，張海色失，諸酋勢漸加。於是斬叛夷五十，且愬祖父殉國狀，乞陞賞。朝廷許之。奴兒哈赤以此遂雄長，諸夷咸日益強。○壬辰二十年，寧夏副總兵哱拜殺巡撫黨馨及總兵張維忠等，據其地而反。陷河西四十七堡，全陝震動。總督魏學曾檄諸將討之，未幾四十七堡皆復。惟寧夏尚為賊據，帝從廷議以李如松提督陝西軍務，會學曾等討之。屢薄擊不下，遂決河灌城。賊被圍，食盡，其眾互相殺，哱拜焚死，其子兼恩開門降。寧夏遂平。○四月，倭酋關白豐臣秀吉遣小西行長加藤清

倭酋陷朝鮮

正等率舟師陷慶尚道，渡臨津，掠開城，分陷豐德諸郡。朝鮮望風奔潰，八道幾沒。國王李昞走義州，王子就倅請援，使趾相錯。帝以朝鮮屬國為我藩籬，必爭之地，急遣行人諭王匡復，命游擊史儒寬、遼陽總兵祖兼訓等率兵援之。攻行長于平壤，大敗，儒寬死之。兼訓僅以身免，復以侍郎宋應昌為經畧，李如松為大將軍，援之。○癸巳二十一年，正月，李如松攻平壤，敗之。行長退保王京，如松乘勝進至碧蹄，距王京九十里，猝遇重圍。如松督將士殊死戰，一金甲倭前搏如松，急指揮李有昇來救，死之。如松得免，李如梅、楊元等奮戰斫重圍入，倭遂潰，而我精銳亦多喪。倭背

續一少後諸君卷之三

三十六

岳山面漢水連珠布營廣樹飛樓銃丸自穴中出應時斃
我師乃退駐開城時諜者言王京倭二十萬且聲聞白揚
帆入犯經畧急檄劉繼陳璘水陸濟師帝益發問金二十
萬佐軍興初我師捷平壤鋒銳甚轉戰開城勢如破竹及
碧蹄敗岷氣大索於是群議急圖休息先是兵部尚書石
星募遊客沈惟敬遣行長營講和至是復遣之和議遂成
矣行長清正等棄王京去送回所擒朝鮮王子○甲午二
十二年五月文選司郎中顧憲成削籍謫歸講學於東林
故宋楊時書院也海內聞風景附往往諷議時政裁量人
物朝士亦遙相應和其後孫丕陽鄒元標趙南星輩相繼

遣中官開礦

講學自負氣節與政府相抗此東林浙黨所自始也其後
更相傾軋楊時宋徽宗朝大儒福建延平府將樂縣人傾軋傾陷也軋音晏入聲以垂五十年
○丙申二十四年七月遣中官開礦初畿輔奸民怨
怒中官多言礦利申時行力持不可至是承寧夏朝鮮用
兵之後國用大匱營建兩宮計臣束手太學士張位以為
利出於天地之自然可益國無病民採之便帝從其言時
前衛千戶仲春請開礦助工帝允之自是請開礦者踵至
每遣中使偕原奏人往首畿輔蔓延遍天下其後各省增
設稅使如天津店租廣州珠監兩淮餘鹽浙江福建廣東
市舶成都茶鹽重慶名木湖口長江船稅荊州店稅寶坻

魚葦門攤商稅等。都邑關津。中使暮布所至。納奸民為爪牙。奴告主者。卑以十三。中人之家。大半皆破。甚者招集亡命。肆劫奪。擅殺人有司。稍忤意。輒劾其阻撓。逮治中外諸臣。諫疏前後累數百。上帝俱不聽。由是民不聊生。變亂蜂起。（曠）金璞也。愆與通同。愆與勸也。踵類也。市舶。蠻夷。凡海舟曰船。亡命。師古曰。命名也。謂脫名籍而逃亡也。

○丁酉二十五年十月。以安南黎惟潭為安南都統使。初莫登用請封制下。而登用已死。遂使其孫福海襲已。而福海不能輯眾。為黎寧所逐。寧死。再傳至惟潭。攻殺福海孫茂洽。復據安南。款關求貢。總督陳大科上言。莫之篡黎其事逆。黎之復仇。其名正。宜許其來歸。詔以惟潭為都統使。

安南復為黎氏有

倭酋復陷朝鮮

自是安南復為黎氏有。而莫氏惟據高平一郡。宗黨多竄處海隅。時出侵軼為邊患。（款）叩也。侵軼。左傳。擢其侵軼。我注。軼。突也。 ○戊戌二十六年四月。土蠻犯遼東。總兵官李如松出塞。遇伏死。○倭酋復陷朝鮮。先是和議既成。楊方亨沈惟敬奉壘書使倭。倭將引見秀吉。見壘書中有封爾為日本國王之語。大怒曰。我自霸有日本。若欲稱王。何為借渠力乎。乃擲壘書于地。且責朝鮮王不往謝。曰。朝鮮決不許和我。我再調兵馬殺入。乃命行長清正等發兵二十萬。攻陷朝鮮。方亨等空手還。直吐顛末。委罪惟敬。惟敬被誅。於是兵部尚書邢玠。經畧麻貴為大將軍。經理朝鮮。劉綎督廣兵。鄧子龍以

播州楊應龍反

川兵陳璘萬世德董一元茅國器等各率兵水陸並發交戰歲餘麻貴楊鎬圍清正于蔚山不克棄輜重走諸將戰皆不利至是行長清正等棄城而遁諸將乘勢追擊遂平之○己亥二十七年播州宣慰楊應龍反命李化龍總督川湖貴州軍務討之化龍至播州集三省兵分八路進賊退守關險將軍劉綎直入婁山關是賊前門萬峰插天中通一路我師從間道同擊反藤魚貫而入屯白石未幾我軍四集營火燭天應龍大懼同愛妾縊死餘黨悉平以其地置遵義平越二府分屬川貴○庚子二十八年十月兩畿盜起頻年災旱又苦礦稅民起為盜浙人趙一平招集亡命

李三才諫礦稅

小民皆為敵國

諭已頒行不可反汗

於徐州自稱宋後署偽官期明年二月諸方並起事覺伏誅鳳陽巡撫李三才上疏陳礦稅之害言陛下愛珠王民亦慕溫飽陛下愛子孫民亦戀妻子奈如陛下欲黃金高於北斗而不使百姓有糠粃升斗之儲陛下欲為子孫千萬年而不使百姓有一朝一夕又言近日章奏凡及礦稅悉置不省此宗社存亡所關一旦眾畔土崩小民皆為敵國陛下即黃金盈箱明珠填屋誰為守之不報○壬寅三十年二月帝不豫急召閣臣沈一貫入諭以勉輔太子并及罷礦稅起廢釋禁諸事翌日帝安諸事遂寢停稅諭已出帝悔急令追之太監田義諫曰諭已頒行不可反汗帝

怒幾欲手刃義義不為動。一貫恐亟繳前諭義唾之。反汗

卦五爻渙汗其大號謂渙散其號令如汗之出而不反也繳之若切回收也○丙午三十四年

棄遼東六堡初李成梁徙築六堡據膏腴扼要害生眾日

繁至是以地孤懸難守盡徙居民於內地不從則以大軍

驅迫之自是遼左藩籬盡撤○戊申三十六年二月修邊

備是時奴兒哈赤併環諸國其勢日盛蒙古喀爾喀諸

部悉歸之薊遼總督蹇達疏陳東方隱憂宜早為備乃命

守臣嚴飭邊備○南京諸郡大水週回千餘里茫然巨浸

舟航遍於陸地魚鼈遊於人家各院交奏命免諸郡稅○

己酉三十七年十二月朶顏寇薊州京師戒嚴時言路互

詆訐諸臣樹黨相攻葉向高上疏作浮議曰天下治亂不

於其形於其幾治非豐亨之說也朝政清明庶官輯睦即

謂之治亂非禍變之說也法紀凌遲人心囂競即謂之亂

今天下治耶亂耶門戶漸立釁隙彌闊始而臭味繼而參

商終而水火矣始而旁觀繼而佐闕終而操戈矣株連蔓

引暮跼朝夷可勝道哉臣謂天下事非一家私議見譽為

君子無益也天下後世曰君子則真君子矣見詆為小人

無傷也天下後世曰小人則真小人矣○福州有婦一胎

產兩男兩女青州有牛生兩頭四目兩口之異○十一月

倭并琉球虜其王聲言取雞籠淡水侵閩廣○辛亥三十

倭并琉球虜其王

九年陝西有牛產犢人頭人面○甲寅四十二年二月皇太后李氏崩太后嘗病篤帝日夜侍藥餌復禱天以身代尋愈至是太后崩帝哀甚是時帝足疾每祭拜令內侍扶掖成禮歲時朔望必謁必哀○八月葉向高罷向高以宿望居相位每事執爭帝心重之而其言多格不用所救正十二三而已嘗疏言今天下必亂必危之道蓋有數端而災傷寇盜物怪人妖不與焉廊廟空虛一也上下否隔二也士大夫好勝喜爭三也多藏厚積必有悖出之釁四也風聲氣習日趨日下莫可挽回五也非陛下奮然振作簡任老成布列朝署取積年廢弛政事一舉新之恐宗社之

憂不在敵國外患而在廟堂之上帝不能用向高累疏求去帝輒優旨慰留向高復言陛下欲用臣則當行臣言不然臣留何益帝不省至是乞休疏四十餘上詞極哀始允其去格廢格也廊廟謂朝廷也亦雅室有東西廂曰廟疏凡大室有東西廂夾室及前堂有序牆者曰廟廊東西序也風聲教也書樹之風聲○丁巳四十五年五月有鼠萬餘啣尾渡江而南食苗害等於蝗○廣寧婦生一猴三角○六月大旱時災歉遍天下有司請賑率寢不報盜賊四起○戊午四十六年正月奴兒哈赤即位於滿州號後金指中國為南朝奴兒哈赤已削平諸部威振東北眾貝勒大臣奉表勸進上尊號曰覆育列國英明皇帝建元天命○四月奴

兒哈赤率兵南侵陷撫順城守將王命印死之李永芳降之廣寧總兵張業蔭遼陽副將顏廷相海州參將蒲世芳等移師應援分軍據險尋師潰業蔭等皆戰死諸堡悉陷京師震駭命起舊將李如柏總遼鎮兵杜松屯山海關徵劉綎柴國柱赴京調度以楊鎬為兵部右侍郎經畧遼東○七月奴兒哈赤率兵入雅鶻關圍清河城陷之守將雖儲賢張旆死之參將賀世賢於豐陽邊外血戰而退經畧楊鎬至河東乃斬清河逃將陳太道以徇朝鮮主遣右參贊姜洪立統兵萬人從征○己未四十七年正月四方援遼兵大集帝恐師老財匱趣楊鎬進兵鎬乃分兵四路出

塞杜松先期抵渾河遇伏戰沒馬林出三岔口聞松敗結營自固虜兵乘勝來攻林敗劉綎縱兵深入二百餘里克十餘寨虜兵詭作杜松兵披其衣甲誘入重圍衆潰綎沒於陣惟清河一路李如柏軍獲全文武將吏死者三百一十餘員軍士死者四萬五千八百餘人事聞舉朝喪氣起前御史熊廷弼為御史兼兵部侍郎經畧遼東徵李如柏聽勘以如柏弟都督如楨代將諭楊鎬戴罪視事奴兒哈赤陷開原瀋陽鐵嶺築城撫順邊外○起秦寧侯陳良弼總督京營召南京兵部尚書黃克纘協理戎政差御史張銓按遼以科臣姚宗文查閱援遼兵馬時廷臣固請帝臨

朝議政不聽遂上疏曰他日薊門蹂躪敵人叩閣陛下能高枕深宮稱疾却之乎帝深嘆焉王宮中門也○庚申

四十八年正月朝鮮乞援是時奴兒哈赤既破北關降蒙

古宰賽等進攻朝鮮國王李瑄上疏乞援帝降勅慰之○

七月帝病痺累月不起至是遂崩在位四十八年改元者

一曰萬曆壽五十八皇太子即位是為光宗貞皇帝禪脚

冷溼病氣不生也

光宗貞皇帝名常洛神宗長子母貴妃王氏也帝即位未及改元而

崩憲宗詔以今年為泰昌元年○罷天下礦稅及收稅中官起用建言得

罪諸臣○贈故帥劉綎秩立廟祀之廕其後因遣使祭陣

亡諸將士○五星闕東方頃之有白氣長竟天○有如日

者三並出尋乃滅○旌德人舒倬俊性至孝年十二見母

王氏病篤願以身代一夕泣語母曰昨神來告兒謂兒死

母病當愈王氏哭之慟倬俊張目熟視曰兒死事小有母

在得善事兒父而兒兄若弟不至失怙兒無憾矣語畢遂

瞑未幾其母病果愈里人奇之題其墓曰代母墓○九月

帝崩初鄭貴妃侍神宗疾居乾清宮及帝嗣位未移知選

侍李氏最得帝寵因請立為皇后選侍亦為貴妃求封皇

太后帝從禮部侍郎孫如游諫冊封事得寢帝不豫內醫

進洩藥帝疾大漸召閣臣方從哲等命封選侍為皇貴妃

漸者進也

選侍趣皇長子出曰欲封后帝不應從哲奏鴻臚寺丞李可灼自云仙丹帝即召可灼至遂進紅丸帝服訖稱忠臣者再從哲等退可灼復進一丸明日帝崩在位一月壽三十九皇長子即位是為熹宗哲皇帝

閣

熹宗哲皇帝名由校光宗長子光宗既崩選侍李氏與心腹閣魏進忠謀挾帝自重群臣入臨為閣人所格楊漣厲聲責之得入臨如禮劉一燝誥帝所在群閣不應一燝太言誰敢匿新天子者東宮伴讀王安入曰選侍抱帝出漣乃追及掖升輦至文華殿群臣叩頭呼萬歲擇日登極李氏移居仁壽殿○賜太監魏進忠世廕封乳母客氏為奉

魏忠賢殺王安

聖夫人進忠初為帝母王才人典膳因魏朝以結王安與客氏私帝嗣位進忠客氏並有寵進忠後改名忠賢○罷熊廷弼以袁應泰經畧遼東廷弼有膽畧知兵然性剛好嫚罵物情不甚附為言者劾○辛酉天啓元年三月遼東經畧袁應泰議出師復撫順未行奴兒哈赤入寇攻瀋陽總兵賀世賢等戰死城陷應泰縊死御史張銓副使可廷魁等俱不屈死滿州兵循海而南○八月宦者魏忠賢矯詔殺前大監王安初帝之立也王安與諸大臣同受顧命見忠賢侵權欲重懲之忠賢與客氏同謀殺安安既死而忠賢益無所憚矣内外文武諸臣及宮嬪內侍與客魏不

協者皆謀殺之。十一月四川永寧宣撫使奢崇明叛陷
 瀘州遵義新都內江進圍成都布政使朱燮元奮戰破之
 崇明遁。○壬戌二年正月奴兒哈赤陷廣寧先是復命熊
 廷弼經畧遼事廣寧巡撫王化貞與廷弼不合廷弼所議
 多格不用而兵部尚書張鶴鳴等力主化貞議至是化貞
 上言願請兵六萬一舉蕩平廷弼以為不可鶴鳴等言帝
 從之化貞乃發兵進討軍皆潰奔廣寧遂陷化貞見廷弼
 哭廷弼笑曰六萬衆一舉蕩平竟如何化貞慚廷弼見不
 可為盡焚積聚入關廷臣奏並逮二人以伸國法遂下獄
 ○六月貴州水西土酋安邦彥反陷炎方松林圍普安雲

南都司李夫常帥兵救之遇伏陣沒邦彥勢益振○山東
 徐鴻儒倡亂深州王好賢景州于弘志三方同起巡撫趙
 彥討平之○癸亥三年正月遣中官刺邊事經畧孫承宗
 疏言中使觀兵自古有戒帝不省○七月客氏魏忠賢恐
 宮中人白其罪惡矯旨賜光宗選侍趙氏自盡幽裕妃張
 氏別宮絕其飲食天雨妃匍匐承檐溜飲之而死皇后數
 於帝前刺客魏過失是年后有娠客氏以計墮之帝用此
 乏嗣又以帝郊祀日掩殺帝所寵馮貴人左右無敢言者
 范慧妃以讒失寵李成妃為之乞憐客魏知之亦幽成妃
 別宮妃豫儲食物簷瓦間半月不死斥為宮人○甲子四

年六月御史楊連疏奏魏忠賢二十四罪忠賢每出車馬儀衛僭擬乘輿提督東廠用許顯純為鎮撫司理刑鍛鍊殘酷士大夫多被戕死至是忠賢亦疏辭廠疏先下備極溫諭次日下連疏切責不少貸諸臣公憤繼連上疏者不下百餘人俱削籍○乙丑五年正月起崔呈秀復為御史呈秀為高攀龍所糾乃微服叩賂魏忠賢願為忠賢子呼之以父忠賢大悅遂出中旨免其勘起用時忠賢竊柄動曰中旨兵科給事中李魯生阿忠賢意上言執中者帝宅中者王旨不自中出而誰出時論鄙之○丙寅六年正月奴兒哈赤圍寧遠城參政袁崇煥集將士誓死守虜兵進

建魏忠賢
生祀于西
湖
鄭芝龍

攻城上火器礮石齊下殊死戰虜兵退明日再攻遂不能克奴兒哈赤起兵已來戰無不捷攻無不克惟寧遠城不能下不憚而歸事聞擢崇煥巡撫駐寧遠○八月奴兒哈赤殂于瀋陽城年六十八是為清太祖第八子皇太極即位○十月進魏忠賢爵上公又建其生祠於西湖詔賜祠額勒石記功德有以入祠不拜削籍論死者○丁卯七年六月泉州人鄭芝龍犯閩中銅山等處芝龍小名一官祖父紹祖為泉州大守葉善繼吏芝龍方十歲嘗戲投石子誤中善繼額擒治之見其姿容秀麗笑而釋之居無何落魄數歲流入海島顏思齊黨中為盜思齊死眾盜推芝龍

為魁縱橫海上官兵莫能抗朝議令葉善繼招撫之芝龍
 感恩歸命及降善繼坐戟門令芝龍兄弟泥首芝龍素德
 善繼屈意下之而一軍皆譁竟叛去復踞海島劫截商民
 往來閩廣之間戟門戟榮戟前驅之器以木為之隋志三
 品以上門皆列戟唐制勳至上柱國則列
 戟以表門泥首以物
 蒙頭如刑人之狀也○七月滿州兵圍錦州總兵趙率教
 固守巡撫袁崇煥遣精兵四千繞出滿州兵後大戰敗之
 魏忠賢使其黨劾崇煥不救錦州崇煥乞休去以王之臣
 代之○八月帝疾大漸召弟信王入諭以嗣位事信王出
 帝崩忠賢自出迎王入王危甚袖食物以入不敢食大官
 庖也是時群臣無得見王者王秉燭獨坐或曰忠賢欲自
 篡

忠賢欲自篡

篡而崔呈秀以時未可止之帝在位七年改元者一曰天
 啓壽二十三信王即位是為毅宗烈皇帝

誅魏忠賢

毅宗烈皇帝名由檢光宗第二子初封信王熹宗崩無嗣
 入嗣大統○十一月誅魏忠賢客氏初帝神明默操忠賢
 黨與林立莫發其奸御史楊維垣首糾崔呈秀語侵忠賢
 而崔魏之勢衰後工部主事陸澄源兵部主事錢元愨直
 攻忠賢貢生錢嘉徵上疏數忠賢十大罪忠賢大懼以貨
 啗信邸內監徐應元求解帝斥應元安置忠賢鳳陽既行
 遣使逮治其罪其黨密報上旨夜自經死法司追論忠賢
 等罪帝命磔忠賢屍斬崔呈秀戮客氏屍天下快之○戊

鄭芝龍降

流賊大起

王嘉胤倡亂

張獻忠起

李自成起

辰崇禎元年四月以袁崇煥為兵部尚書督師薊遼○七月鄭芝龍降福建巡撫熊文燦善遇之芝龍前後擊殺賊李魁奇劉香等海寇漸息○陝西饑流賊大起府谷民王嘉胤倡亂饑民附之白水盜王二等亦合徒眾劫掠延安人張獻忠從嘉胤陰謀多賊中號八大王其部最強○十月二月米脂人李自成起為盜時延安饑不沾泥等揭竿為盜自成性狡黠善走能射騎家貧為驛書記往投焉參政洪羨疇率兵擊賊不沾泥等被獲自成走匿山澤得免陝西延安府米脂縣○己巳二年四月陝西河南饑盜起○八月四川總督朱燮元討奢崇明安邦彥誅之時燮元檄滇兵下

高迎祥稱闖王

殺袁崇煥

烏撒蜀兵出永寧扼要害而親帥大軍駐陸廣逼大方邦彥與崇明合眾十餘萬趨永寧先犯赤水謀知之燮元授意守將許成名佯北誘賊深入遣兵三路夾擊大破之斬崇明邦彥餘黨悉平○十月詔天下勤王山西巡撫耿如杞入援兵潰於涿鹿叛李自成出與之合旬日間眾至萬餘推高迎祥為首稱闖王轉寇山西河南賊中稱自成為闖將○十二月薊遼督師袁崇煥下獄先是滿州兵自順義西薄都城時所破隘口總理劉策所轄都人驟遭兵怨謗紛起謂崇煥縱敵朝士因前通和議誣其引敵脅和滿州兵聞之乃設間謂與崇煥有成約語聞於帝帝信之遂

執下詔獄。明年八月殺之。轄音葛猶管總 ○庚午三年五月

月朔日食失驗。帝欲罪臺官。禮部尚書徐光啓言。臺官測

候。本郭守敬年遠數贏。宜及時修治。帝從之。徵西洋人龍

華民湯若望等推步。推步左傳疏云日月轉運於天猶人之行步故推曆曰推步 ○王

嘉胤據府谷掠延安慶陽城堡多陷。○盜神一元破寧塞

據殺參將陳三槐。遂陷靖邊保安等城。○十二月帝以兵

食不足欲增田賦。命戶部協議尚書畢自嚴請畝加三。牧

於是增百六十五萬有奇。合舊所增凡六百八十餘萬。海

內怨咨。○辛未四年六月副總兵曹文詔擊斬王嘉胤于

陽城。賊復推王自用為主。自用號曰紫金梁。其黨自相名

徵西洋人推步

增田賦

目有老回回八金剛。關王闖將八大王掃地王。闖塌天破

甲錐邢紅娘。亂世王混天王顯道神。鄉里人活地草等。分

為三十六營。衆二十餘萬。聚山西。○十一月以太監李奇

茂監視陝西茶馬。吳直監視登島。兵餉初帝既罷諸內臣

外事俱委督撫。然帝英察。輒以法隨其後。外臣多不稱仕

使者。崇禎二年京師戒嚴。乃復以內臣視行營。自是銜憲

四出。動以威倨。上官相結為奸。○壬申五年正月二邊總

督洪承疇請留陝西餉銀二十萬資勦費。并以勸農可。○

三月工部侍郎高弘圖上言。內臣張彞憲奉總兩部。戶部

之命辱朝廷。褻國體。言太切直。不聽。疏七上。竟削籍。禮部

主事周鏞亦上言論內臣帝怒削籍○三邊總督洪承疇等擊賊大敗之斬賊首可天飛擒其黨郝臨庵獨行狼誅之○四月湖廣流盜自興國入江西泰和吉安等處○八月山西巡撫宋統殺擊賊于長子賊奔沁水○以司禮太監曹化淳提督京營戎政○十一月海盜劉香老犯福建小埕遊擊鄭芝龍擊走之○癸酉六年正月副總兵左良玉敗賊于涉縣西斬其渠○副總兵曹文詔連敗賊於忻代間斬首千五百級進都督同知○五月命太監陳太金等監紀各路兵將功罪復以太監閻忠印等同督撫合勦汾陽知縣費用鏞以逼迫苦供億墜井死鏞音位○六月劉

帝論囚

香老犯長樂○十月帝素服御建極殿召閣臣論囚温體仁竟無所平反陝西華亭知縣徐兆麟赴任七日城陷竟棄市上頗心惻體仁不為救人皆寬之平反謂平其不平而反罪人肆使從也○十二月延綏巡撫陳奇瑜擊賊于末寧關大破之斬賊魁鑽天哨開山斧延水盜悉平○甲戌七年正月山西巡撫戴君恩誘降盜王剛等設宴掩捕悉斬之而苛嵐大盜高加計璉顯道神尤橫會陝西山西大饑饑民投賊者逾衆李自成張獻忠走盤屋鄠縣間盤屋音周質縣名鄠音戶○三月山西自去秋八月不雨至于是月大饑人相食○四月滿洲定官名又改瀋陽為盛京○總理太監張彞憲請入覲

官投冊以隆體統許之山西提學僉事袁繼成上言士有廉恥然後有風俗有氣節然後有事功諸臣未覲天子之光先拜內臣之座士大夫尚得有廉恥乎逆璫方張時義子乾兒昏夜拜伏自以為羞今且白晝公邸恬不知恥國家自有觀典二百餘年未聞有此所為大息也帝以越職言事責之○六月罷各道監視大監○賊犯鄖陽商南總督陳奇瑜擊大破之張獻忠奔商洛圍李自成于漢中車廂峽自成窘以重寶賄奇瑜左右及諸將偽請降許之縱遣賊出峽即大譟屠所過七州縣畧陽賊數萬亦來會關中大震○七月滿州皇太極伐察哈爾旋師寇大同宣

李自成降
縱遣

府攻陷城堡數十京師戒嚴竟陷萬全左衛乃去○八月帝憂寇詔發兵四萬五千豫備賊衝突凡十三營○九月賊二十餘營西至函谷關東至河陽連屯百餘里別賊萬餘連營雒南關鄉○十一月侍讀倪元路上制實制虛各八策○逮陳奇瑜下獄以洪承疇代之高迎祥張獻忠李自成等陷陳州破汜水固志大會於滎陽遂陷潁州知州尹夢鼈指揮李從師等皆戰死賊每營數萬因糧宿飽人有副馬官軍兵寡備多饋餉不繼且馬少總兵左良玉在懷慶與督師巡撫議不合檄調不時應帝命洪承疇出關急勦限六月平賊○十二月總督兩廣熊文燦遣守道洪

劉香老溺死

雲蒸等招劉香老被執○乙亥八年正月張獻忠陷鳳陽
 焚皇陵殺軍民留守朱國相戰死○四月鄭芝龍合布政
 王世德兵擊劉香老於田尾遠祥香老脇洪雲蒸出船止
 兵雲蒸大呼曰我矢死報國亟擊勿失遂遇害香老勢蹙
 自焚溺死尋以世德為雲南巡撫加芝龍參將○六月張
 獻忠由英霍入陝會李自成於鳳翔副將艾萬年柳國鎮
 等戰歿總兵官曹文詔憤甚以三千人大戰斬首五百追
 北三十里賊伏數萬騎合圍文詔徒步轉鬪與遊擊平安
 等二十餘人皆死○八月以盧象昇進兵部侍郎總理山
 西軍務以賊已蔓延半天下洪承疇一人不能顧也○帝

賊半天下

帝下詔罪已

左良玉觀望

下詔罪已避居武英殿減膳徹樂除典禮外惟以青衣從
 事以示與行間文武士卒甘苦相同之意○十一月秦賊
 一字王部眾二十萬撞末王統十七萬自潼關出犯閩鄉
 靈寶左良玉觀望不敢邀擊賊鈔掠諸路截燒糧草諸軍
 乏食○十二月張獻忠合諸賊圍廬州分道陷巢縣含山
 遂陷和州沿江下犯江浦○丙子九年正月高迎祥等圍
 滁州總理盧象昇師兵來援大戰於朱龍橋賊連營俱潰
 西入歸德分道犯南陽裕州象昇擊敗之賊精銳幾盡○
 李自成出河南攻固志左良玉遇自成於閩鄉相持六日
 總兵陳永福援之敗之於朱仙鎮自成走登封遵商雒而

滿州建國號曰清

李自成為闖王

行復出陝西官軍敗績於羅家山。死亡士馬無算。○三月。賊九條龍張胖子從南漳柳池陷穀城官山。逼保康。○南陽洵饑。唐主聿鍵奏。南陽有母烹其女者。○四月。滿洲建國號曰清。改元崇德。○七月。清兵入居庸關。連陷畿內州縣。乃下詔徵諸鎮兵入援。皆不敢戰。九月。清兵退去。○巡撫孫傳庭擊賊首高迎祥於盤屋。擒之。獻俘闕下。磔於市。賊黨乃共推李自成為闖王。○諭廷臣助餉。未幾。又括勦戚文武諸臣馬。閱銀鐵銅鉛諸礦。○九月。總督朱燮元討擺金兩江巴香狼壩火烘五洞。叛苗悉平之。○十月。工部侍郎劉宗周累疏陳時政。語多激切。為大學士溫體仁所

朝鮮降于清

忌。請告去。至天津。聞京師被兵。留不行。上疏極言體仁奸邪。致刑政乖舛。及宦官不宜總軍務。凡數百言。帝怒。斥為民。○丁丑。十年。正月。張獻忠等自襄陽順流東下。犯寧慶。連營百里。詔左良玉馬嶺劉良佐合兵往援。大破賊。賊復出太湖。敗官軍於鄞家店。殺參將四十餘人。遂陷和州。劉良佐赴援。賊始遁。獻忠入湖廣。○二月。清兵攻朝鮮。克王京。圍國王李倧於南漢山城。已復破江華島。倧遂出降。○三月。以楊嗣昌為兵部尚書。嗣昌有口辨。帝以為能。所奏請無不從。議大舉平賊。分各省官軍為四正六隅。隨賊所向征討。因增兵十二萬。增餉二百八十萬。民大困怨。帝下

朱燮元平水西

詔有暫累吾民一年。除此腹心，大患語。時福建巡撫熊文燦言：自詭足辦賊。嗣昌薦之，命總理南京、河南、山、陝、川、湖軍務。文燦大募粵人及烏蠻善火器者以從。已見賊勢盛，連疏言招撫。帝譙讓嗣昌，乃條上用兵事宜。刻期明年二月平賊。然文燦終主撫，新增餉多，資以撫賊。嗣昌陰主之。明年以滅賊踰期，請貶削。洪承疇等秩而置。文燦不罪。○六月，太學士溫體仁以疾罷歸。○七月，張獻忠復入江北，東掠至儀真，揚州告急。獻忠等西走湖廣。○十月，陝賊過，未星同李自成入蜀。混天王、蝎子塊隨之。川兵大敗混蝎二賊于廣元。○總督朱燮元平水西，燮元以為地大

張獻忠乞降

者，跋扈之資而勢弱者，保世之策也。於是分水西之地，授諸酋長及有功漢人，咸俾世守。西南遂底定焉。○戊寅，十一年正月，總兵左良玉陳洪範大破賊于鄖西。張獻忠請降，初獻忠為盜，洪範捕獲獻忠，異其貌而釋之。以是懷舊恩，乞降於洪範，請率所部殺賊自効。總理熊文燦承制撫之。獻忠請置家口於鄖西。文燦為請於朝，詔貸其罪，立功自贖。○二月，總督洪承疇大敗李自成于梓潼。自成率殘眾數千走溪南，子身入楚。依張獻忠不許。至竹溪，獻忠謀殺之。自成獨乘驟日行六百里，走商雒。至浙川，老回回營臥疾半年餘。老回回授以數百人，仍出剽掠。○九月，清兵

清兵逼京城

分路薄牆于嶺。總督吳阿衡及中軍副將魯崇文被執。皆不屈死之。清兵入密雲。兵部檄宣大山西總兵楊國柱王樸虎木威入援。○十月。京師戒嚴。召孫傳庭於陝西。洪承疇於三邊。承疇傳庭率諸將兵五萬先後出潼關入援。帝命盧象昇與中官高起潛督援軍。太學士楊嗣昌與起潛主和。象昇主戰。議不合。清兵分三路南下。○十一月。清兵已陷畿輔。城數十。逼京城。旬日始解去。前太學士孫承宗死之。子孫十人皆力戰而死。清兵轉戰至山西。總兵王樸引兵還鎮。盧象昇引軍至鉅鹿。高起潛擁關寧兵在雞澤。相距五十里。象昇遣使乞援。不應。行至蒿水橋。力戰而死。

張獻忠叛

河南大饑

○己卯十二年正月。清兵克濟南。德王被執。詔逮山東巡撫顏繼祖下獄。二月。清兵北旋。○三月。左良王大敗河南賊于內鄉。張獻忠在穀城。擁兵索餉。日肆劫奪。至是遂殺穀城知縣阮之鈿以叛。降賊羅汝才。九營並起。應之。獻忠脅御史林鳴球上書求封於襄陽。鳴球不從。遂殺之。焚穀城西走。陷房縣。良玉等追至羅猴山。遇伏。大敗。時李自成亦出收餘衆。往依獻忠。○九月。秦兵大敗李自成於函谷關。自成窮蹙。自經者數四。養子李雙喜救之。以五十騎衝圍。逃入鄖陽。走伊洛。時河南大饑。民起為盜。及自成至。皆從之。勢復大振。○十月。太學士楊嗣昌初薦熊文燦討賊。

文燦既敗詔逮文燦下獄嗣昌內不自安請督師南討帝許之嗣昌至襄陽請拜左良玉為平賊將軍○庚辰十三年二月揚嗣昌駐襄陽調兵勦賊左良玉大破張獻忠于瑪瑙山獻忠遁走匿興歸山中復自興房走白羊山九月獻忠與羅汝才合陷大昌十月陷劍州○十二月李自成陷永寧殺萬安王土賊響應遂陷宜陽眾至數十萬諸生李巖為之謀主賊每以剽掠所獲散濟饑民故所至咸歸附之其勢益盛○辛巳十四年正月李自成自鄖陽攻洛陽陷之殺福王常洵先是援兵過洛者喧言先帝困天下以肥王今王府金錢山積乃令吾輩枵腹死賊尚書呂維

李巖為李自成謀主
洛陽殺福王常洵

福祿酒

祺勸王散財餉士不從至是官軍引賊陷城維祺被執不屈死賊殺王為俎雜鹿肉以食號福祿酒火王府散金以取饑民枵腹枵計朝切虛也人饑曰枵腹○張獻忠羅汝才敗官軍於夔州轉戰陷蜀中左良玉先潰參將劉士傑等戰死賊遂席卷東下副將猛如虎突戰潰圍出馬仗軍符盡失獻忠獲軍符偵襄陽無備自率輕騎紿入襄陽城夜半從中起縱火城陷賊縛襄王湖銘與貴陽王常法同遭害參將張克儉遊擊黎民安等死之時楊嗣昌自蜀旋師至荊州沙市聞城陷二王殉難憂懼不食死○七月清兵圍錦州既久洪承疇調吳三桂等率兵十三萬次松山皇太極自督戰

張獻忠陷襄陽殺襄王及貴陽王

續十八史卷之三
大敗官軍吳三桂夜遁洪承疇保松山○八月左良王大敗張獻忠於信陽降其衆數萬獻忠被重創東遁時羅汝才既合李自成自成踞河維有衆五十萬獻忠走依自成自成欲殺之汝才知之陰遣兵資獻忠令他徙獻忠乃東馳入霍山○十一月李自成移兵陷南陽殺唐王聿鎮總兵猛如虎死之○壬午十五年正月李自成功開封益急洞車附城鑿城塼上而空之廣數尺實以火藥然之一烘而裂曰小放窟城縱橫數丈實火藥然之一發震天曰大放賊以精騎數千布圍於外執汴人畚土穴城為太窟十餘輦火藥數萬斤百炬齊然賊望城崩將擁入穴城畚其

小放大放

土礫於外累累成阜火藥一發崩天輒缶皆飛鳴外嚮賊之布圍於外者人馬成血糜城之未穿者堅如石猶尋丈賊駭解圍去○二月清兵克錦州松山守將范志完邱民仰曹變蛟等死之洪承疇祖大樂等降清○五月張獻忠襲陷廬州知府鄭履祥死之○九月河決開封士民溺死數十萬周王乘舟遁賊掠城中遺民以去○十月清兵陷薊州分道南下河間以南多失守連陷山東州縣魯王以泐自殺○十二月李自成陷襄陽分兵取荊州惠王乘城而走○癸未十六年正月李自成陷承天自成初無遠圖及席捲河南連陷荊襄有衆百萬始侈然以為天下莫

洪承疇降清

李自成思
擅名號

與爭思擅名號自號奉天倡義大元帥稱羅汝才代夫撫
氏德威大將軍自成尋襲殺汝才并其衆改襄陽曰襄京
據之設官屬修宮殿○五月張獻忠陷武昌執楚王華奎
沈之西湖大殺楚宗及居人浮屍蔽江獻忠遂稱武昌曰
京城設六部五府據之○八月清主皇太極殂壽五十二
是為太宗其第九子福臨年甫六歲即位改明年為順治
元年叔父和碩睿親王多爾袞理國事稱攝政王○十月
李自成命老回回守荊州出破潼關遂陷西安延安諸郡
分兵四掠所至風靡乃詣米脂祭奠墓改延安曰天保府偽
授秦主存樞權將軍陷渭南屠鳳翔傳檄榆林守將都任

李自成歸
鄉祭墓

系一八史綱目卷之三

五十七

李自成僭
稱王

總兵尤世威等集衆固守血戰七晝夜婦人孺子皆發屋
瓦擊賊城陷無一降者賊遂乘勝陷慶陽寧夏甘州三邊
俱沒○甲申十七年正月大風霾鳳陽地震霾美拜切○
李自成僭稱王于西安僭國號曰順建元永昌○張獻忠
既陷荊楚趨蜀遂陷成都蜀中郡縣俱沒未幾獻忠以病
死于蜀中○二月李自成陷太原遣別將犯畿南陷真定
帝下詔罪已發帑金五千治守具詔天下勤王左都御史
李邦華請南遷及太子撫軍不報賊勢急復遣內臣高起
潛杜勳等分監邊鎮及近畿要害○給事中吳麟徵請棄
山海關外寧遠前屯二城徙總兵吳三桂入關屯宿近郊

張獻忠死

系一八史綱目卷之三

五十八

以衛京師廷臣皆以棄地非策不敢主其議○李自成破
 寧武關守將周遇吉死之尋陷大同總兵朱三樂巡撫衛
 景瑗文學李若葵等俱死之○三月太學士李建泰自保
 定疏請南遷帝曰李建泰勸朕南遷國君死社稷朕將何
 往太學士范景文等亦主建泰請願奉太子先行帝遂不
 從○欽天監奏帝星下移○詔封總兵吳三桂平西伯左
 良玉寧南伯唐通定西伯命吳三桂率兵入衛○李自成
 陷保定宣府御史金毓峒巡撫朱之馮等死之○大風霾
 晝晦命司禮太監王承恩提督內外京城○南京孝陵本
 陵也夜哭○李自成自柳溝抵居庸關柳溝天塹百人可守
竟不設備總兵唐通

李自成陷
 京師帝自
 經

太監朴之 遂陷昌平州諸軍皆降賊焚十二陵享殿分兵
 掠通州糧儲○李自成陷京師帝自經于煤山賊自沙河
 進直攻平則彰義等門襄城伯李國楨匹馬馳闕入衛城
 外三大營皆降火車巨炮皆為賊有賊反砲攻城賊仰語
 守兵曰亟開門否則屠矣守者懼空砲向外不實鈔子徒
 以硝磺鳴之賊驅居民負木石填壕急攻王承恩砲擊連
 斃數十人太監曹淳化飲酒自若遂啓彰義門降內城陷
 帝登煤山望烽火徹天歎息曰苦我民耳遂分送太子定
 王永主於外戚周田二家劍擊公主及妃嬪數人令皇后
 自盡翌日昧爽御前殿鳴鐘集百官無至者帝復登山書

衣襟為詔曰朕自登極十七年逆賊直逼京師雖朕薄德
 匪躬上干天咎然皆諸臣之誤朕也朕死無面目見祖宗
 於地下去朕冠冕以髮覆面任賊分裂朕屍勿傷百姓一
 人以帛縊於山亭王承恩從死自成種空縹衣乘烏駿馬
 入承天門登皇極殿據黼座期百官三日朝見范景文倪
 元璐等諸臣死節者數十人宮人魏氏費氏等三百餘人
 俱赴御河死賊殮帝后以柳棺置東華門外羈太子永王
 定王於宮中執國禎見自成國禎以頭觸階流血被面自
 成以好語誘國禎使降國禎請葬帝以天子禮自成諾之
 惟國禎一人斬衰徒步往葬至陵事畢慟哭遂自縊死之

李國禎死節

李自成稱帝

吳三桂乞援于清討賊

種笠一儀實錄云蕭帽本卷人首服以羊毛為之謂之種帽即今種笠也縹緜名淺青色也 ○李自成
 稱帝即位於武英殿命毀太廟遷太祖神主於歷代帝王
 廟中有明制度任意紛更○四月吳三桂率兵入援聞京
 城陷帝后殉難遂縞素發哀乞援于清討賊清攝政王多
 爾袞督軍與三桂直擣北京李自成聞之大驚執三桂父
 襄作書招三桂復遣降將唐通齎銀犒師別以賊兵二萬
 守山海關自成親率兵二十萬列陣于北山三桂佯受其
 犒因請太子自成命其將奉太子赴既盟自成旋師三桂
 出不意盡殺守關賊遂復書絕父追賊逼京師壓城而營
 自成怒即盡殺襄家口懸襄首於城上三桂墜鞍慟哭三

吳三桂請發太子入城不得逸太子于民間

清攝政王多爾袞入京城

軍感憤誓殺賊攻擊甚急賊不能支自成出彰義門西走多爾袞趣三桂追賊三桂請發太子入城多爾袞不許三桂夜潛逸太子于民間不知其所終追賊至山西自成數戰不勝遂走陝西三桂還軍京師清晉三桂爵為平西王○五月初三日京城傳呼皇太子至百官迎候於朝陽門外駕至則清攝政王多爾袞也多爾袞入武英殿受朝賀即命議謚帝為懷宗端皇帝后為烈皇后萬姓哀號三日尋命造陵出示京城令官民除服剃頭衣冠悉遵清之制清世祖遂入都于北京福王立於南京謚帝曰毅宗烈皇帝后曰孝節皇后

馬士英專國

清多爾袞致書史可法

帝由松福王常洵子神宗孫也京師陷毅宗殉社稷時福王由松避賊舟次淮安南京部官會議推戴討賊遂立為帝○五月帝即位召兵部尚書史可法戶部尚書高弘圖鳳陽總督馬士英等入閣辦事其他進官有差可法請督師江北士英專國設淮陽徐泗鳳壽滁和四鎮以劉澤清高潔劉良佐黃得功轄之加應天巡撫左懋第兵部侍郎經理河北聯絡關東命僉都御史程世昌巡撫應天時山東河北多殺偽官響應偽官李自成所置响與響同○六月山東降于清李建泰謝陞馮銓降皆為清內院大學士○十月清多爾袞致書史可法略曰夫君父之仇不共戴天春秋之義

有賊不討則故君不得安葬新君不得即位所以防亂臣
賊子法至嚴也國家之定燕都乃得之於闖賊而非得之
於明朝也賊毀明朝之廟主辱及先王國家不憚征繕之
勞代為雪恥萬世闖賊但為明朝寇慝未嘗得罪於國家
徒以薄海同仇伸木義今若擁稱尊號便是天有二日復
為勅敵欲以江左一隅兼支大國勝負之數無待著龜諸
君子果識時知命宜勸令削號歸藩永綏福位朝廷當待
以覲賓位在諸侯主上可法答書畧曰引春秋木義來相
詰責善哉推而言之此又為列國君薨世子應立有賊未
討不忍死其君者之說耳若夫天下共主身殉社稷青宮

史可法答書

以正統與之

皇子慘變非常而拘牽不即位之說坐昧大一統之義倉
卒出師將何以維繫人心號召忠義紫陽綱目踵事春秋
其間特書菴移漢祚光武中興丕廢山陽昭烈踐祚懷愍
亡國晉元嗣基徽欽蒙塵宋高續統是皆於國仇未報之
日亟正位號綱目未嘗作為自立卒以正統與之昔契丹
和宋多輸以金繒回紇助唐原不利土地况貴國篤念世
好兵以義動萬代瞻仰在此一舉若夫手足膺難並同秦
越規此幅員為德不卒是以義始而以利終貽賊人竊笑
可法北望陵廟無涕可揮身陷大戮罪應萬死所以不即
從先帝者寔為社稷之故也

大一統之義前漢董仲舒對策文曰春秋大一統者天地

之常經古今之通義也春王正月言王者始受命改制以
統天下令萬物無不一皆養奉之以為始故言大一統
紫陽綱目紫陽謂宋朱熹世居紫陽山下綱目朱熹通鑑
綱目也丕魏曹丕膺璽也幅員詩商頌幅員既長注幅猶
員謂周也○時災異叠見又廟門告灾帝深居禁中惟漁

幼女飲火酒雜伶官演戲為樂修造宮殿賞賜不節國用
賈之搜括殆盡馬士英濁亂國政邊警日逼士英尼不奏
○乙酉弘光元年正月高傑防清兵渡河疏請重兵駐歸
德東西兼顧聯絡河南總兵許定國以奠中原定國在睢
州傑遺定國銀幣抵睢州定國與傑有隙乃張宴享傑夜
半伏兵起殺之親兵遇害者過半餘眾潰還定國奔清引
清兵入儀封進逼江北直陷徐穎○四月寧南侯左良玉

左良玉乞
誅馬士英

舉兵東下馳疏上言馬士英奸邪亂國政列其七大罪乞
誅之又傳檄聲其罪中外囂然士英大懼京師戒嚴遣劉
孔昭阮大鍼等同禦之○清兵已徇徐碭下毫泗乘勢渡
淮史可法連疏告警又移書士英懇其選將添兵士英不
應大理寺卿姚思孝等皆言淮揚甚急應亟防禦帝諭士
英士英指諸臣對曰此皆左良玉死黨為遊說其言不可
聽寧可君臣死於清不可死於左良玉手瞋目大呼有異
議者當斬帝嘿然諸臣咸為咋舌○清兵攻揚州史可法
禦之頗有斬獲攻益急血奏請救不報可法死之揚州陷
○左良玉舉兵不數日病死○五月清兵渡江逼京師帝

史可法死

乘夜出奔馬士英奉太后走浙清豫王多鐸入京劉良佐出降奉多鐸命追帝至蕪湖及之射黃得功斃之良佐挾帝去張捷楊維垣等前後殉難者數十人多鐸遂定江浙挾帝北去閏六月唐王立于福州

帝聿劍太祖後也封南陽為唐王初以父歿失愛於祖而叔謀奪嫡未得請名及祖端王薨守道陳奇瑜知府王之柱為之請嗣性率直喜詩書手草傳檄五月清兵渡江南都弗守總兵官鄭鴻逵鄭彩撤師回閩會唐王從河南來奉之俱南至福州與福建巡撫張肯堂巡按御史吳春枝禮部尚書黃道周南安伯鄭芝龍等共會議即帝位改福

鄭氏貴振
于七閩

州為天興府敷求耆碩招選賢才內外文武濟濟封鄭芝龍為平虜侯兵餉戰守機宜專諉芝龍芝龍自就撫後海舶不得鄭氏令旗不能往來每一舶例入三千金歲入千萬計芝龍以此富敵國自築城廈門號安平鎮艚船直通卧内其守城兵自給餉不取於官旗幟鮮明戈甲堅利以故鄭氏貴振于七閩芝龍有弟芝虎勇冠軍昔征劉香没于海次鴻逵次芝豹俱為侯伯一門聲勢烜赫芝龍有子森芝龍初落魄去之日本娶倭婦生森數歲芝龍歸福建就撫以收劉香功遷都督于是森在倭已七歲矣芝龍屢請得之森風儀整秀倣儻有大志十五補弟子員讀書穎

中外稱國姓

李自成死

敏不治章句。至是年二十三。陛見帝奇之。撫其背曰。惜無一女配卿。卿當盡忠。吾家無相忘也。賜姓朱。改名成功。封御營中軍都督。賜尚方劍儀同駙馬。自是中外稱國姓。是年日本送歸其母。尚方監掌供御器物駙馬尚公主稱駙馬○李自成在黔陽。乏食。自出抄掠。為何騰蛟伏兵所逐。村民殺之。李過。勒兵奪其尸。滅一村。而還。結草為首。以袞冕葬於羅公山下。賊諸將奉李過為首。渡湖入險山中。群盜俱散亡。○丙戌。隆武元年正月。封朱成功忠孝伯。成功一日見帝。愁坐泣。奏曰。陛下鬱鬱不樂。得無以臣父有異志耶。臣受國厚恩。義無反顧。臣以死扞陛下矣。○二月。帝親征。駐蹕劍津。○清

鄭芝龍降清 父教子忠 不聞以貳

江南招撫洪承疇與鄭芝龍同里。芝龍密遣使微行。通款而疏稱征海寇。去觀望。不敢拒清兵。帝自芝龍去後。乃定計幸贛州。八月。抵順昌。聞清兵且踵至。倉皇騎而奔。從行者何吾驕。郭維經。朱繼祚。黃鳴俊。數人已。而何與郭亦散去。帝將入贛州。因停。一日。曝龍鳳衣。清兵至。擒帝后。及從駕者。至福州。貝勒斬帝及后於市。○十月。鄭芝龍保安平軍容。烜赫。清貝勒以書招之。芝龍得書大喜。成功泣諫曰。父教子忠。不聞以貳。且北虜何信之。有諸弟亦皆勸入海。芝龍弗聽。遂進降表。至福州。貝勒握手甚歡。折矢為誓。遂挾之而北矣。成功雖遇主。列爵未嘗與兵柄。意氣狀貌猶

朱成功焚儒服

儒生也。廼悲歌慷慨，携所著儒巾襪衫，赴文廟焚之。拜先師曰：昔為孺子，今為孤臣，向背去留，各有作用。謹謝儒服，高揖而去。與願從者陳輝、張進、施琅、施顯、陳霸、洪旭等九十餘人，乘二巨艦去，收兵南澳，得數千人。文移稱忠孝伯，招討大將軍，罪臣國姓。鄭彩、鄭鴻逵亦率所部入海。十月，永明王立于肇慶。

帝由榔，桂王之子，神宗嫡孫也。初封衡陽，以寇亂徙寓梧州。桂王已薨，福州既失，兩廣總督丁魁楚與廣西巡撫瞿式耜會議監國。兵部尚書呂本器等自閩至，共謀立之。以肇慶府署為行宮，推置僚署。魁楚大器俱為大學士。十月

一月，福建舊相蘇觀生等遁回廣東，與布政使顧元鏡擁立隆武帝弟唐王聿錫監國。年號紹武，遣兵科給事彭耀往廣州諭之。觀生等殺耀於市，日集兵向肇慶。十二月，清總兵李成棟陷廣州，斬唐王及蘇觀生，遂發兵攻肇慶。帝駕小艇上西峽避之。○丁亥，永曆元年正月，駕至梧州。時丁魁楚從梧西走岑溪，王化澄走潯州，隨行者止瞿式耜一人耳。二月，帝抵桂林，式耜誕告楚蜀各鎮。朱成功泊彭浪嶼，鄭彩、鄭聯踞廈門、金門，數出兵沿海，郡邑大震。丁魁楚保岑溪，清兵攻之，魁楚中流矢死。○三月，命瞿式耜留守桂林，駕抵全州。○清兵薄桂林，衝入文昌門。時桂林

守將焦璉自全州歸擊却之安國公劉承胤來援挾帝如武崗○五月清兵環攻桂城焦璉負創奮臂大呼用西洋銃奮勇擊殺兩日清兵敗去焦璉出復柳潯及梧州式耜等具疏請還桂林式耜與督師何騰蛟籌畫出師克全州清兵次楚○十一月帝抵桂林瞿式耜與嚴起恒並相○戊子二年二月桂林撤兵帝駕播遷瞿式耜收復桂署○三月帝駐南寧詔旌瞿式耜賜銀幣又賜精忠貫日金圖書一枚式耜念無講官經筵不御石室塵封何由聞得失手書八箴於扇進之石室御史有石室以藏秘書○五月何騰蛟復全陽○六月清總兵李成棟歸順江右金聲桓據南昌遣使

請降帝自梧州入肇慶○己丑三年正月清兵破相潭何騰蛟死之信豐南昌相繼敗李成棟金聲桓皆歿於陣帝設壇親祭○三月朱成功募兵于銅山攻漳浦屯分水關○四月清遣使貽書招瞿式耜式耜不從○七月帝遣使至島封朱成功為延平公○庚寅四年正月南雄不守韶州亦陷帝震恐戒舟西上瞿式耜留之不聽遂移德慶抵梧州○十一月清兵薄全州城中大亂瞿式耜令戢不得衣冠危座署中適總督張同敞自靈川回遇式耜曰事迫矣公將奈何式耜曰封疆之臣知有封疆封疆既失身將安往同敞曰公言是矣敞當共之遂笑與式耜飲被執見

瞿式耜死

續一八史卷之三

清定南王孔有德式耜以死自誓不復一言遂遭害式耜絕命

詩云從容待死與城亡千古忠臣自丰張三百年來恩澤久頭絲猶帶滿天香○帝復去上南寧

入土虜嚴起恒王化澄等皆隨去○壬辰六年帝在安隆

所封李定國為西寧王破清定南王孔有德于桂林敬謹

王尼堪于衡州○甲午八年五月清遣使招朱成功成功

不從數出兵縱橫福興泉漳等郡十月清復招之成功不

從清主怒寘鄭芝龍于高俎成功不顧攻漳泉等郡縣皆

降之○丁酉十一年帝在雲南○戊戌十二年帝遣使航

海至島晉朱成功延平郡王甘輝崇明伯其他拜爵有差

○己亥十三年五月帝至永昌朱成功攻金陵不克十月

朱成功取臺灣

成功還島○辛丑十五年帝至緬甸朱成功自江南喪敗地蹙軍孤念帝蒙塵于外存亡不可知第做天祐天復故事孤持正朔乃議取臺灣

魏源云臺灣自閩海中與福興泉漳四府相直距澎湖約二百

里廈門約五百里其山起雞籠南盡沙馬碇千里有奇惟山西東兩面沃野自海至山淺濶相均約各百里大於琉

球均于呂宋自鄭氏以前中國人無至其地者皆生蕃據之隋大業中虎賁將陳稜一至澎湖東向東洋而反宋史

謂澎湖東有昆舍那國即其地也元置巡司于澎湖明初廢之嘉靖中海賊林道乾據臺灣為琉球人所逐天啓中

日本倭逐琉球而踞之荷蘭紅毛夷求香山求澎湖于中國而不得乃以重幣啗倭求臺灣一互市地旋誘以天主

教又逐日本倭而有之及國初而為鄭氏所據鄭芝龍者泉州人初附倭家于臺灣倭敗去芝龍以其人眾舟楫橫

于海崇禎中巡撫沈猶龍招降之屢平劇盜積官至都督同知會閩太早芝龍言于巡撫熊文燦以船從賊民數萬

至臺灣人給三金一牛使舉島荒漸成邑聚時鄭氏已去臺灣惟荷蘭夷二千踞城中流民數萬散屯城外荷蘭專

續一八史卷之三

六十一

治市舶不敘田賦與流民耦俱無猜鴻荒甫闢土膏墳盈一歲三熟厥田惟上上漳泉之人赴之如歸也遷之

臺灣周袤三千餘里孤嶼環瀛相錯如繡物產之利畊耘並耦日用之需無所不有鄭芝龍嘗居之未久而去荷蘭人未磐踞其地諸將以險遠為難成功意銳揆舵東甲遂行泊澎湖進鹿耳門門外有淺沙數十里海舟不能近岸紅夷又沉木艘塞港口及是潮驟漲丈餘數百艘條抵岸紅夷倉卒不支成功引兵登岸克赤嵌城紅夷戰不利退保王城○清主福臨殂是為世祖第三子玄燁嗣位改明年為康熙元年十月棄鄭芝龍于柴市子孫在京者皆戮之○十二月朱成功復攻王城因風縱火燒其夾板告之

鄭芝龍棄市

曰此地迺先人故物珍瑤不急之物悉聽而歸地歸我兵始罷荷蘭乃降送之歸國諸土酋皆受約束改為安平鎮赤嵌城為承天府禮處士陳永華為謀主闢屯墾修戰械制法律定職官興學校起池館以待明宗室遺老之來歸者臺人大集鄭氏遂安○十二月帝在緬甸平西王吳三桂率兵薄擊帝賜三桂書諭之緬酋莽應時執帝獻三桂軍三桂殺華亭侯王維恭等百餘人奉帝還滇以五華山舊宮為行幄頗極增崇侈麗○壬寅十六年五月延平郡王招討大將軍朱成功卒于臺灣年三十九臺人以其弟襲為講理成功計至島經嗣位清靖南王耿繼茂遣人招

朱成功卒

續通志卷之三十三

諭議炤琉球朝鮮例不登岸不雉髮不易衣冠乃遣人通
好不報○十月鄭經帥師往臺灣黃昭奉襲拒經經財昭
殪衆遂巡稅甲經遂入臺收殺主謀者餘寘不問待襲如
初○癸卯十七年先是鄭經居島與乳媪通生子成功聞
之大怒遣使至島諭鄭泰監殺經及經母董知成功病革
或亂命不從及經入臺泰潛結黃昭拒經事覺經乃佯置
酒邀泰縊殺之泰子纘及弟鳴駿亡歸清將士先後歸清
者多矣于是清主銳意南掠令將士分道疾進經分部死
士禦之衆寡不敵退守銅山清兵入島墮兩城自是之後
族屬將士大抵皆降于清獨有陳永華馮錫範等及經還

臺木小庶事悉委永華永華為政頗雜儒雅與民休息改
東都為東寧分諸將土地修菟裘視無西意○帝崩于滇
城自太祖洪武元年至是二十世二百九十六年而亡是

鄭氏孤立臺灣猶稱永曆者十有九年
至鄭克塽降于清朱明正朔全亡

續十八史畧評卷之三

十一

續十八史畧卷之三終

清
製
師
中
報
銀
大
部



